


# 史通註

十之十二

内閣文庫			
九	八	渡	
三	天	書	
架	冊	號	類

内閣文庫	
番號	漢 9280
冊數	6( 4)
函號	297 139



綴じ部(喉部分)の文字など開きが不鮮明な箇所あり

史通註

內篇

淺草文庫

唐劉子玄知幾撰著

明陳繼儒仲醇訂註

內篇

雜述

辨識

自叙

雜述第三十四

昔在三墳五典春秋禱祝卽上代帝王之書中古諸侯之記行諸歷代以爲格言其餘外傳則神農嘗藥

厥有本草夏禹敷土實著山經世本辨姓著自周室  
 家語載言傳諸孔氏是知偏記小說自成一家而能  
 與正史參行其所從來尚矣爰及近古斯道漸煩史  
 氏流別殊途竝騫推而為論其流有十焉一曰偏記  
 二曰小錄三曰逸事四曰瑣言五曰郡書六曰家史  
 七曰別傳八曰雜記九曰地理書十曰都邑簿夫皇  
 王受命有始有卒作者著述詳略難均有權記當時  
 不終一代若陸賈楚漢春秋樂資山陽公載記王韶  
 晉安陸紀姚梁後略此之謂偏記者也普天率土人

陸賈注一卷  
 王韶之撰晉  
 安帝陽秋非  
 王韶也

汲冢注一卷

物弘多求其行事罕能周悉則有獨舉所知編為短  
 部若戴逵竹林名士王粲漢末英雄蕭世誠懷舊志  
 盧子行知已傳此之謂小錄者也國史之任記事記  
 言視聽不該必有遺逸於是好奇之士補其所亾若  
 何嶠汲冢紀年葛洪西京雜記顧協瓌語謝綽拾遺  
 此之謂逸事者也街談巷議時有可觀小說為言猶  
 賢於已故好事君子無所弃諸若劉義慶世說裴榮  
 期語林孔思尚語錄陽松玠談藪此之謂瑣言者也  
 汝穎奇士江漢英靈人物所生載光郡國故鄉人學

周杯玉海引  
 隋志作國稱

者編而記之若周稱陳留耆舊周裴汝南先賢陳壽益部耆舊虞預會稽典錄此之謂郡書者也高門華胄奕世載德才子承家恩顯父母由是紀其先烈貽厥後來若揚雄家諫殷敬世傳孫氏譜記陸宗系曆此之謂家史者也賢士貞女類聚區分雖百行殊途而同歸於善則有取其所好各爲之錄若劉向列女梁鴻逸民趙採忠臣徐廣孝子此之謂別傳者也陰陽爲炭造化爲工流形賦象于何不育求其怪物有廣異聞若祖台志怪千寶按神劉義慶幽明劉敬叔

異苑此之謂雜記者也九州土宇萬國山川物產殊宜風化異俗如各志其本國足以明此一方若盛弘之荊州記常璩華陽國志辛氏三秦羅含湘中此之謂地理書者也帝王桑梓列聖遺塵經始之制不常厥所苟能書其軌則可以龜鏡將來若潘岳關中陸機洛陽三輔黃圖建康宮殿此之謂都邑簿者也大抵偏記小錄之書皆計卽日當時之事求諸國史最爲實錄然皆言多鄙朴事罕圓備終不能成其不刊永播來葉徒爲後生作者削藁之資焉逸事皆前史

所遺後人所記求諸異說為益實多及妄者為之則苟載傳聞而無銓擇由是真偽不別是非相亂如郭子橫之洞冥王子年之拾遺全構虛辭用驚愚俗此其為弊之甚者也瑣言者多載當時辨對流俗嘲謔俾夫樞機者藉為舌端談話者將為口實及蔽者為之則有詆訐相戲施諸祖宗褻狎鄙言出自牀第莫不昇之紀錄用為雅言固以無益風規有傷名教者矣郡書者矜其鄉賢美其邦族施於本國頗得施行置於他方罕聞愛異其有如常璩之詳審劉昫之該

博而能傳諸不朽見美來裔者蓋無幾焉家史者事惟三族言止一門正可行於室家難以播於邦國且箕裘不墮則其錄猶存苟薪構已亾則斯文亦喪者矣別傳者不出胸臆非由機杼徒以博採前史聚而成書其有足以新言加之別說者蓋不過十一而已如寡聞末學之流則深所嘉尚至於探幽索隱之士則無所取材雜記者若論神仙之道則服食鍊氣可以益壽延年語魑魅之途則福善禍淫可以懲惡勸善斯則可矣及謬者為之則苟談恠異務述妖邪求

諸弘益其義無取地理書者若朱贛所採浹於九州  
闕駟所書殫於四國斯則言皆雅正事無偏黨者矣  
其有異於此者則人自以爲樂土家自以爲名都競  
美所居談過其實又城池舊跡山水得名皆傳諸委  
巷用爲故實鄙哉都邑簿者如宮闈陵廟街塵郭邑  
辨其規模明其制度斯則可矣及愚者爲之則煩而  
且濫博而無限故論榱棟則尺寸皆書記草木則根  
株必數務求詳審持此爲論遂使學者觀之瞶亂而  
難紀也於是考茲十品徵彼百家則史之雜名其流

盡於此矣至於其間得失紛揉善惡相兼旣難爲覩  
纓故粗陳梗槩且同自鄙無足譏焉又按子之將史  
本爲二說如呂氏淮南玄晏抱朴凡此諸子多以叙  
事爲宗舉而論之抑亦史之雜也但以名目有異不  
復編於此科蓋語曰聚星之明不如一月之光歷觀  
自古作者著述多矣雖復門千戶萬波委雲集而言  
皆瑣碎事必藂殘固難以接光塵於五傳竝輝烈於  
三史古人以比玉屑滿篋良有旨哉然則芻蕘之言  
明王必擇葑菲之體詩人不弃故學者有博聞舊事


多識其物若不窺別錄不討異書專治周孔之章句  
直守遷固之紀傳亦何能自致於此乎且夫子有云  
多聞擇其善者而從之知之次也苟如是則書有非  
聖言多不經學者博聞蓋在擇之而已

評曰孝經緯三皇無文有文字之後仰錄三皇時  
事故有三墳神農時文字未著補史止言始嘗百  
草始有醫藥惡能著本草經若是詳邪山經太史  
公已不敢言尤衰定為秦書疑信者半安得云夏  
禹實著山經也太史公剛世本為史記孔子家語

釋名曰三墳  
墳分也論  
材分天地人  
之始分也其  
休有三也五  
典典鎮也制  
教法所以鎮  
定上下差等  
有五也與前  
解微異

埒於魯論比之小說殊為不類

京兆于志寧字仲謐唐永徽二年拜尚書左僕射  
初志寧與司空李勣修定本草并圖合五十四篇  
帝曰本草尚矣今復修之何所異邪對曰昔陶弘  
景以神農經合雜家別錄註詔之江南偏方不周  
曉藥石徃徃紕繆四百餘物今考正之又增後世  
所用百餘物此以為異常曰本草別錄何為而二  
對曰班固唯記黃帝內外經不載本草至齊七錄  
乃稱之世謂神農氏嘗藥而黃帝以前文字不傳



史通言  
以識相付至桐雷乃載篇冊然所載郡縣多在漢  
時疑張仲景華陀竄記其語別錄者魏晉以來吳  
普李當之所記其言華葉形色佐使相須附經爲  
說故弘景合而錄之帝曰善其書遂大行

太史公曰禹本紀山海經所有怪物余不敢言之  
也漢志山海經十三篇劉歆所校凡三十二篇定  
爲十八篇固已不同尤袁定爲先秦之書非禹及  
伯翳所作隋志漢初蕭何得秦圖書故知天下要  
害後又得山海經相傳以爲夏禹所記

漢志春秋家世本十五篇古史官記黃帝以來訖  
春秋時諸侯大夫系謚名號

史記注鄭康成駁異義曰天子賜姓命氏諸侯命  
族族者氏之別名也姓者所以統繫百世使不別  
也氏者別子孫之所出故世本之篇言姓則在上  
言氏則在下也劉向曰世本古史官明於古事者  
所記錄黃顛以來至春秋時王侯諸國世卿大夫  
名字號與左氏合

春秋正義今之世本與司馬遷言不同世本多誤



不足依憑又引世本氏姓篇言十國皆任姓

樂資晉著作郎山陽公漢獻帝禪後魏降封爲山陽公譙國戴逵字安道晉徵爲國子祭酒不至著竹林七賢論二卷

高平王粲字仲宣魏侍中著漢書英雄記十卷

蕭世誠梁元帝字著懷舊志九卷

范陽盧思道字子行聰爽俊辨通悅不羈北齊黃門侍郎入周不得志乃爲孤鴻賦以寄情其序曰余志學之歲自鄉里遊京師便見識知音歷受群

公之眷年登弱冠甫就朝列談者過誤遂竊虛名通人楊令君邢特進以下皆分庭致敬倒屣相接翦拂吹噓長其光價而才本駑拙性實踈懶有知已傳一卷

晁氏曰西京雜記二卷晉葛洪撰初序言洪家有劉子駿漢書百卷乃當時欲撰史錄事而未得締思無前後之次雜記而已後學者始甲乙之終癸爲十卷

句容葛洪字稚川干寶薦爲散騎常侍領大著作

西京雜記  
朴子世說  
俱存

求爲句漏令自號抱朴子因以名書內篇言黃白  
之事外篇言君臣理國用刑之道通一百一十六  
篇今存四十篇刻在山東

劉義慶著世說十卷撰集林二百卷

裴氏家傳裴榮字榮期河東人父穉豐城令榮期  
少有風姿才氣好論古今人物撰語林數卷

世說新語裴郎作語林始出大爲遠近所傳時流  
年少無不傳寫一通載王東亭作經王公酒壚下  
賦甚有才情

唐志謝綽宋拾遺錄十卷孔思尚宋齊語錄十卷  
通考陳氏曰談藪二卷北齊秘書省正字北平陽  
玠松撰事綜南北時更八代隋開皇中所述

七略曰子雲家諫言以甘露元年生唐藝文志孫  
氏譜記十五卷殷敬家傳三卷陸景獻吳郡陸氏  
宗系譜一卷

隋志漢議郎圈稱陳留耆舊傳二卷唐志云圈稱  
陳留風俗傳三卷○魏周裴汝南先賢傳五卷○  
蜀志陳壽著益部耆舊傳十篇陳術續傳二卷○

唐志虞預會稽典錄二十四卷

古列女傳八卷續列女傳一卷南豐曾氏序劉向所叙列女傳凡八篇事具漢書向列傳而隋書及崇文總目皆稱向列女傳十五篇曹大家注以頌義考之蓋大家所注離其七篇爲十四與頌義凡十五篇而益以陳嬰母及東漢以來凡十六事非向書本然也蓋向舊書之亾久矣嘉祐中集賢校理蘇頌始以頌義編次復定其書爲八篇與十五篇者竝藏於館閣而隋書以頌義爲劉歆作與向列傳不合今驗頌義之文蓋向之自叙又藝文志有向列女傳頌圖明非歆作也自唐之亂古書之在者少矣而唐志錄列女傳凡十六家至大家注十五篇者亦無錄然其書今在則古書之或有錄而亾或無錄而在者亦衆矣非可惜哉今校讐其八篇及十五篇已定可繕寫初漢承秦之敝風俗已大壞矣而成帝後宮趙衛之屬尤自放向以謂王政必自內始故列古女善惡所以興亾者以戒天子此向述作之大意也

扶風梁鴻字伯鸞以耕織爲業詠詩書彈琴自娛  
仰慕前世高士自四皓以來二十四人作頌

唐志孝子傳蕭廣濟王韶之皆十五卷又讚三卷

師覺授申秀孝友皆八篇宗躬二十卷虞盤一卷徐

廣三卷梁武帝三十卷鄭緝之讚十卷

范陽祖台之字元辰官侍中光祿大夫撰志怪書

評曰玉海云陸澄聚一百六十家之說依其前後

遠近編而爲部謂之地里書任昉又增陸澄之書

八十四家謂之地記陸澄書見存別部自行者唯

四十二家山海經水經黃圖洛陽記二洛陽宮殿

簿洛城圖述征記西征記婁地記風土記吳興記

吳郡記京口記南徐州記會稽土地記會稽記隋

王入沔記荊州記神壤記豫章記蜀王本記三巴

記珠岷傳陳留風俗傳鄴中記春秋土地名衡山

記遊名山志聖賢冢墓記佛圖記遊行外國傳交

州以南外國傳十洲記神異經異物志南州異物

志蜀志發蒙志任昉書見存別部行者唯十二家

三輔故事湘州記吳郡記日南傳江記漢水記居

名山志西征記廬山南陵雲精舍記永初山川古  
今記元康三年地記司州記并帖省置諸郡舊事  
則地理之爲書亦多矣不獨荊州記華陽志三秦  
湘中已也

湘中山水記三卷晉侍中來陽羅含君章撰范陽  
盧拯注其書頗及隋唐以後事疑亦後人附益  
中興書目關中記一卷晉葛洪撰載長安山川及  
宮殿陵廟唐志云潘岳撰文選注引之

陸機字士衡吳郡人晉太子洗馬著作郎著洛陽

記

晁氏曰三輔黃圖三卷按經籍志有黃圖一卷記

三輔宮觀陵廟明堂辟雍郊時等卽此書也不著

撰人姓名其間頗引劉昭漢志然則出於梁陳間

也

通考歷代宮殿名一卷翰林承旨李昉等纂歷代  
及僭僞宮殿門闕樓觀園苑池館名無不畢錄按  
李昉宋人也史通建康宮殿雖非此書想當具載

其中

家者合西京  
雜記刻於湖  
州名曰秦漢  
圖記

拾遺記今存  
刻在煙濤

晁氏曰洞冥記四卷拾遺一卷後漢郭憲子橫撰  
其序言漢武明雋特異之主東方朔因滑稽浮誕  
以匡諫洞心於道教使冥跡之奧昭然顯著故曰  
洞冥晉王嘉字子年嘗著書百二十篇載伏羲以  
來異事奇說名拾遺記十卷書逸不完梁蕭綺綴  
拾殘缺而叙錄之  
燉煌闕駟字玄陰注王朗易傳撰十三州志牧犍  
重之拜尚書

左襄二十九吳公子札來聘請觀於周樂自鄆以  
下無譏焉

辨職第三十五

夫設官分職佇勸課能欲使上無虛稱下無虛受其  
難矣哉昔漢文帝幸諸將營而目周亞夫爲真將軍  
嗟乎必於史職求其若之斯乃爲難遇者矣史之爲  
務厥途有三焉何則彰善貶惡不避強禦若晉之董  
狐齊之南史此其上也編次勸成鬱爲不朽若魯之  
丘明漢之子長此其次也高才博學名重一時若周  
之史佚楚之倚相此其下也苟三者竝闕復何爲者

著之字衍

哉昔魯叟之修春秋也不籍三桓之勢漢臣之著史記也無假七貴之獲而近古喜有撰述必以大臣居首按晉起居注載康常詔盛稱著述任重理藉親覽遂以武陵王領秘書監尋武陵才非河獻識異淮南而輒以彼藩翰董斯邦籍求之稱職無聞焉爾既而齊撰國史和士開惣知唐修本草徐世勣監統夫使辟陽長信指擣南董之前周勃張飛彈壓桐雷之右斯亦怪矣大抵監史爲難斯乃尤者若使直若南史才如馬遷精懃不懈若揚子雲諳識故事若應仲遠

舉乃尤下  
有之三字

兼斯具美督彼群才使載言記事藉爲模楷榻管操觚歸其儀的斯則可矣但今之從政則不然凡居斯職者必恩幸貴臣凡庸賤品飽食安步坐嘯畫諾若斯而已矣夫人旣不知善之爲善則亦不知惡之爲惡故凡所引進皆非其才或以勢利見升或以干祈致擢遂使當官効用江左以不樂爲謠拜職辨名洛中以不閑爲說言之可爲大咲可爲長歎也會試論之世之從仕者若使之爲將也而才無韜略使之爲吏也而術靡循良使之屬文也而匪閑於辭賦使之

史通評 卷十 十四  
講學也而不習於經典斯則負乘致寇悔吝旋及雖  
五尺童兒猶知調笑者矣唯夫修史者則不然或當  
官卒歲竟無刊述而人莫之知也或輒不自揆輕弄  
筆端而人莫之見也由斯而言彼史曹者崇局峻宇  
深附九重雖地處禁中而人同方外可以養拙可以  
藏愚繡衣直指所不能繩強項申威所不能及斯固  
素食之窟宅尸祿之淵藪也凡有國有家者何事於  
斯職哉昔子貢欲去告朔之餼羊子曰爾愛其羊我  
愛其禮又語云雖無老成人尚有典刑觀歷代之置

節孔子春秋  
成於洙泗而  
出於末年

史臣有同嬉戲而竟不廢其職者蓋存夫愛理愜彼  
典刑者乎昔丘明之修傳也以避時難子長之立記  
也藏於名山班固之成書也出自家庭陳壽之爲志  
也創於私室然則古來賢雋立言垂後何必身居廡  
宇跡參僚屬而後成其事乎是以深識之士知其若  
斯退居清淨杜門不出成其一家獨斷而已豈與夫  
冠猴獻狀評議其得失者哉

荒史黃帝主醫藥之臣則有歧伯雷公俞跗巫彭  
桐君凡五人歧伯雷公察五氣立五運洞性命紀





祇晉文各

有車轍馬跡焉祭公謀父作祈招之詩以止王心  
王是以獲沒於祇宮臣問其詩而不知也若問遠  
焉其焉能知之王曰子能乎對曰能

臨漳和士開字彥通齊尚書左僕射封淮陽王與  
太后亂故曰辟陽長信長信呂不韋辟陽審食其

也漢初有審食其酈食其趙食其三人以六國  
時衛有司馬食其竝慕其為人故以為名

評曰考魏伯起傳後主即位收掌詔誥除尚書右  
僕射總議監五禮事位特進收奏請趙彥深和士  
開徐之才共監先以告士開士開驚辭以不學收

曰天下事皆由五禮非王不缺士開謝而許之由  
是言之士開掌五禮非掌國史當士開時魏史久  
就矣史通此引似誤

自叙第三十六

子玄自序不  
序世系彼于  
序傳篇中嚴  
駁古人難以  
自踊

予幼奉庭訓早遊文學年在統綺便愛古文尚書每  
苦其辭難瑣艱為諷讀雖屢逢捶撻而其業不成嘗  
聞家君為諸兄講春秋左氏傳每廢書而聽逮講畢  
即為諸兄說之因竊歎曰若使書皆如此吾不復怠  
矣先君奇其意於是始授以左氏暮年而講誦都畢

于時年甫十有二矣所謀雖未能深解而大義略舉  
父兄欲令博觀議疏精此一經辭以獲麟已後未見  
其事乞且觀餘部以廣異聞次又讀史漢三國志既  
欲知古今沿革歷數相承於是觸類而觀不假師訓  
自漢中興已降迄乎皇家實錄年十有七而窺覽略  
周其所讀書多因假賃雖部帙殘缺篇第有遺至於  
叙事之紀綱立言之梗槩亦粗知之矣但于時將來  
仕進兼習揣摩至於專心諸史我則未暇泊年登弱  
冠射策登朝於是思有餘閑獲遂本願旋遊京洛頗  
積歲年公私借書恣情披閱至如一代之史分爲數  
家其間雜記小書又競爲異說莫不鑽研穿鑿盡其  
利害加以自小觀書喜談名理其所悟者皆得諸襟  
腑非由染習故始在總角讀班謝兩漢便怪前書不  
應古今人表後書宜爲更始立紀當時懵者共責以  
童子何知而敢輕議前哲於是赧然自失無辭以對  
其後見張衡范曄集果以二史爲非其有暗合於古  
人者蓋不可勝紀始知流俗之士難與之言凡有異  
同蓄諸方寸及年以過而立言悟日多常恨時無同

好可與言者維東海徐堅晚與之遇相得其歡雖古者伯牙之識鍾期管仲之知鮑叔不是過也復有永城朱敬則沛國劉允濟吳興薛謙光河南元行冲陳留吳兢壽春裴懷古亦以言議見許道術相知所有推揚得盡懷抱每云德不孤必有鄰四海之內知我者不過數子而已矣昔仲尼以睿聖明哲天縱多能觀史籍之繁文懼覽之者不一刪詩爲三百篇約史記以修春秋讚易道以黜八索述職方以除九丘討論墳典斷自唐虞以訖于周其文不刊爲後王法自

八索九丘注  
四卷

茲厥後史籍逾多苟非命世大才就能刊正其失嗟予小子敢當此任其於史傳也嘗欲自班馬已降迄于李令狐顏孔諸書莫不因其舊義普加釐革但以無夫子之名而輒行夫子之事將恐驚末俗取咎時人徒有其勞而莫之見賞所以每握管歎息遲回者久之非欲之而不能實能之而不欲也旣朝廷有知意者遂以載筆見推由是三爲史臣再入東觀則天朝爲著作佐郎轉左史今上初卽位又除著作長安中以本官兼修國史會遷中書舍人暫罷其任神龍元年又以本官兼修國史迄今不之改今之史館卽古之東觀也每惟皇家受命多歷

也  
初言納木心

年所史官所編粗惟紀錄至於紀傳及志則皆未有其書長安中年會奉詔預修唐史及今上卽位又勅撰則天大聖皇后實錄凡所著述常欲行其舊議而當時同作諸士及監修貴臣每與其鑿枘相違齟齬難入故其所載削皆與俗沉浮雖自謂依違苟從然猶大爲史官所嫉嗟乎雖任當其職而吾道不行見用於時而美志不遂鬱快孤憤無以寄懷必寢而不言嘿而無述又恐歿世之後誰知予者故退而私撰史通以見其志昔漢世劉安著書號曰淮南子其書牢籠天地博極古今上自太公下至商鞅其錯綜經緯自謂兼於數家無遺力矣然自淮南已後作者絕無必商確而言則其流又衆蓋仲尼旣歿微言不行史公著書是非多謬由是百家諸子詭說異辭務爲小辨破彼大道故揚雄法言生焉儒者之書博而寡要得其糟粕失其菁華而流俗鄙夫貴遠賤近傳茲牴牾自相欺惑故王充論衡生焉民者冥也冥然罔知率彼愚蒙墻面而視或訛音鄙句莫究本源或守株膠柱動多拘忌故應劭風俗通生焉五常異稟百

行殊軌能有兼偏知有長短苟隨才而任使則片善不遺必求備而後用則舉世莫可故劉劭人物志生焉夫開國承家立身立事一文一武或出或處雖賢愚壤隔善惡區分苟時無品藻則理難錯綜故陸景典語生焉詞人屬文其體非一譬甘辛殊味丹素異彩後來祖述識殊圓通家有詆訶人相倚據故劉勰文心生焉若史通之為書也蓋傷當時載筆之士其道不純思欲辨其指歸殫其體統夫其書雖以史為主而餘波所及上窮王道下揆人倫總括萬殊包吞千有自法言已降迄于文心而往道德禮樂刑政文章以納諸胸中曾不憊芥者矣夫其為義也有與奪焉有褒貶焉有諷刺焉其為貫穿者深矣其為網羅者密矣其所商略者遠矣其所發明者多矣蓋談經者惡聞服杜之嗤論史者憎言班馬之失而此書多譏徃摭喜述前非獲罪於時固其宜矣猶冀知音君子時有觀焉尼父有云罪我者春秋斯之謂也昔梁徵士劉孝標作叙傳其自比於馮敬通者有三而予輒不自揆亦竊比於揚子雲者有四焉何者揚雄嘗

自序至此補  
涉誇尚

馮衍字敬通

千有自法言已降迄于文心而往道德禮樂刑政文章以納諸胸中曾不憊芥者矣夫其為義也有與奪焉有褒貶焉有諷刺焉其為貫穿者深矣其為網羅者密矣其所商略者遠矣其所發明者多矣蓋談經者惡聞服杜之嗤論史者憎言班馬之失而此書多譏徃摭喜述前非獲罪於時固其宜矣猶冀知音君子時有觀焉尼父有云罪我者春秋斯之謂也昔梁徵士劉孝標作叙傳其自比於馮敬通者有三而予輒不自揆亦竊比於揚子雲者有四焉何者揚雄嘗

敬音培即聖也

猶雕蟲小伎老而悔其少作余幼喜詩賦而壯都不  
爲耻以文士得名期以述者自命其似一也揚雄草  
玄累年不就當時聞者莫不哂其徒勞余撰史通亦  
遷移寒暑悠悠塵俗共以爲愚其似二也揚雄撰法  
言時人競尤其妄故作解嘲以訓之余著史通見者  
亦互言其短故作釋蒙以拒之其似三也揚雄少爲  
范跋劉歆所重及聞其撰太玄經則嘲以恐蓋醬瓿  
然劉范之重雄者蓋貴其文彩若長楊羽獵之流耳  
如太玄深奧難以探蹟旣絕窺踰故加譏誚余初好  
文筆頗獲譽於當時晚談史傳遂減價於知己其似  
四也夫才唯下劣而蹟類先賢是用銘之於心特以  
自慰抑猶有遺恨懼不似揚雄者有一焉何者雄之  
玄經始成雖爲當時所賤而桓譚以爲數百年外其  
書必傳其後張衡陸績果以爲絕倫參聖夫以史通  
方諸太玄今之君山卽徐朱等數君是也後來張陸  
則未之知耳嗟乎倘使平子不出公紀不生將恐此  
書與糞土同捐烟燼俱滅後之識者無得而觀此予  
所以撫恚漣而淚盡而繼之以血也

徐堅字元固東海徐齊暉子聖曆中東都留守揚  
再思王方慶共引爲判官方慶善禮學嘗就質疑  
晦堅爲申釋常得所未聞屬文典厚再思每目爲  
鳳閣舍人樣與徐彥伯劉知幾張說與修三教珠  
英時張昌宗李嶠總領彌年不下筆堅與說專意  
撰綜條彙粗立諸儒因之乃成書累遷給事中  
亳州朱敬則字少連武后稱制遷正諫大夫兼修  
國史乃請高史宮選以求名才侍中韋安石嘗閱  
其藁史歎曰董狐何以加世人不知史官權重宰  
相宰相但能制生人史官兼制生死古聖君賢臣  
所以畏懼

劉允濟傳中宗時遷著作佐郎采魯哀公後十二  
世接戰國爲魯後春秋獻之允濟嘗曰史官善惡  
必書使驕主賊臣懼此權顧輕哉而班生受金陳  
壽求米僕乃視之如浮雲耳  
常州薛登本名謙光以與皇太子名同詔賜今名  
登通貫文史善識論根證該審與劉子玄齊名調  
閩中主簿天授中累遷左輔闕景雲中爲御史大



夫

元澹字行冲以字顯後魏常山王素連之後景雲  
 中授太常少卿行冲以系出拓拔恨史無編年乃  
 撰魏典三十篇事詳文約學者尚之初魏明帝時  
 河西柳谷出石有牛繼馬之象魏收以晉元帝乃  
 牛氏子冒司馬姓以著石符行冲謂昭成皇帝名  
 捷繼晉受命獨此可以當之

老什羅律  
 於晉簡文帝  
 元年辛亥後  
 五十年而晉  
 始凶安得  
 捷繼晉也行  
 冲徒知真祖  
 而失實矣

吳兢浚儀人魏元忠朱敬則薦兢才堪論譔詔修  
 國史遷右拾遺兢叙事簡核號良史晚節稍踈悟  
 時人病其太簡初與劉子玄撰定武后實錄叙張  
 昌宗誘張說誣證魏元忠事頗言說已然可賴宋  
 璟等激勵苦切故轉禍為忠不然皇嗣且殆後說  
 為相讀之心不善知兢所為即從容謬謂曰劉生  
 書魏齊公事不少假借奈何兢曰子玄已亾不可  
 受誣地下兢實書之其草故在聞者歎其直說屢  
 斬改不許世謂今董狐云

壽州裴懷古儀鳳中上書闕下補下邳主簿頻遷  
 御史幽州都督懷古清介審慎在幽州時韓琬以

監察御史監軍稱其馭士信臨財廉國名將云  
 淮南王傳安為人好書招延賓客方術之士數千  
 人作為內書二十一篇外書甚眾又有中篇八卷  
 言神仙黃白之術亦二千餘萬言入朝獻內新出  
 上秘之鴻烈二十一篇其二十篇原道倣真天文  
 地形時則冥覽精神本經主術繆稱齊俗道應汜  
 論詮言兵略說山說林人間修務泰族而終之以  
 要略

楊雄傳雄見諸子各以其知舛馳大氏詆訾聖人  
 即為怪迂析辯詭辭以撓世事雖小辯終破大道  
 而或眾使溺於所聞而不自知其非也及太史公  
 記六國歷楚漢訖麟止不與聖人同是非頗謬於  
 經故人時有問雄者常用法應之譔以為十三卷  
 象論語號曰法言文多不著獨著其目學行吾子  
 修身問道問神問明寡見五百先知重黎淵騫君  
 子孝至

王充字仲任上虞人好論說始若詭異終有理實  
 以為俗儒守文多失其真乃閉目潛思絕慶弔之

禮戶牖墻壁各置刀筆著論衡八十五篇二十餘  
萬言釋物類同異正時俗嫌疑充造養性書十六  
篇

應劭傳初劭父奉爲司隸時竝下諸官府郡國各  
上前人像贊劭乃連綴其名錄爲狀人紀又論當  
世行事著中漢輯序撰風俗通以辨物類名號釋  
時俗嫌疑文雖不典後世服其洽聞○中興書日  
風俗通十卷案隋志本三十一卷今存十卷皇霸  
正失愆禮過譽十反聲音窮通祀典怪神山澤

劉劭黃初中爲尚書郎受詔集五經群書以類相  
從作皇覽後與荀悅等定科令作新律十八篇著  
律略論景初中受詔作都官考課七十二條說略  
一篇又著樂論十四篇凡所撰述法論人物志之  
類百餘篇○中興書目人物志二卷述人性品有  
上下材質有邪正欲考諸行事而約之中庸十二  
篇九證體別流業才理才能利害接識英雄八觀  
七繆效難釋事○李德裕人物志論以爲索隱精  
微研幾玄妙然品人物不倫以管仲商鞅俱爲法

家是不究成敗之術也以子產西門豹俱爲罷能  
是不辨清麤之迹也其甚者曰辨不入道而應對  
資給是謂口辯樂毅曹丘生是也一人之身兼有  
英雄高祖項羽是也

舊唐志儒家典語十卷陸景撰文選註引陸景典  
論

南史劉勰字彥和天監中兼東宮通事舍人撰文  
心雕龍五十篇原道詮序志末各各系贊沈約謂  
深得文理

評曰史通考究精覈義例森嚴一團光彩不可磨  
滅四千年后陸太史之翻梓張觀察之手校家君  
又命延爲評釋皆子玄之張陸也予嘗評之子玄  
之似雄者四其不似者三而後來張陸不與焉太  
玄無主無名要合五經史通疑尚書惑春秋其不  
似雄一法言降周迄孔成于王道史通罪周駁孔  
其不似雄二法言譏學行譏修身譏問道史通無  
一語及於學道其不似雄三雖然雄亦有不似子  
玄者三雄劇秦美新子玄在則天時有直言修則

天實錄有所改正忤於三思雄不如也雄寂莫投  
閣子玄作思慎賦見稱李嶠屢求罷史職不與蕭  
宗之難雄不如也童烏預玄其後亾聞子玄六子  
三孫俱有名號其鄉曰高陽里雄不如也嘗以此  
語家弟太太曰兄可謂子玄忠臣  
漢書范踐作逸孟堅曰楊子用心於內不求於外  
於時人皆習之惟劉歆及范逡敬焉

晁氏曰吳范望叔明註太玄經解十卷其序云子  
雲著玄桓譚以爲絕倫張衡以擬五經自侯芭受  
業之後希有傳者建安中宋衷陸續解釋之文字  
繁隈今以陸爲本錄宋所長訓理其義爲十卷耳  
以首分居本經之上以測散處贊辭之下其前又  
有陸續序以子雲爲聖人云○晁氏又曰司馬光  
君實集漢宋衷解詁吳陸續釋文晉范望解贊唐  
王涯註經及首測宋惟幹通註陳漸演玄吳秘章  
義七家爲此書自慶曆至元豐凡三十年始成溫  
公序曰嗚呼楊子雲真大儒者邪孔子沒後知聖  
人之道者非子雲而誰孟荀殆不足擬况其餘乎

盖天下之道雖有善者蔑以易此矣

王里主聖又首世其今直主東海實之吳必章  
吾實集對宋東翰詰吳劉懿擊文晉茂望翰替專  
有劉懿以千雲為聖入云○吳又曰何愚光  
以首公吾本孫少士以賦耕與養藉之不其前又  
樂則令以劉為本繼宋祖吳隋野共楚數十卷耳  
業之於世亦軒音張安中宋東劉懿翰對文宗

史通註

唐劉子玄知幾撰著

明陳繼儒仲醇訂註

外篇

史官建置第一

總十四條

蜉蝣音浮蜉音  
由蜉蝣朝生  
暮死

夫人寓形天地其生也若蜉蝣之在世如白駒之過  
隙猶且耻當年而功不立疾沒世而名不聞上起帝  
王下窮匹庶近則朝廷之士遠則山林之客諒於其  
功也名也莫不汲汲焉孜孜焉夫如是者何哉皆以

史通註

卷十一

躡音脚即躡  
躡也

商臣冒頓皆  
弑父賊子

圖不朽之事也何者而稱不朽乎蓋書名竹帛而已  
向使世無竹帛時闕史官雖堯舜之與桀紂伊周之  
與莽卓夷惠之於跖躡商冒之與曾閔俱一從物化  
墳土未乾則善惡不分妍媸永滅者矣苟史官不絕  
竹帛長存則其人已亡杳成空寂而其事如在皎同  
星漢用使後之學者坐披囊篋而神交萬古不出戶  
庭而窮覽千載見賢而思齊見不賢而內自省若乃  
春秋成而逆子懼南史至而賊臣書其記事載言也  
則如彼其勸善懲惡也又如此由斯而言則史之爲  
用其利甚博乃生人之急務爲國家之要道有曰不  
冢者其可缺哉故備陳其事編之於後

其一條

顛音顛

蓋史之建官其來尚矣昔軒轅氏受命倉頡沮誦實  
居其職至於三代其數漸繁按周官禮記有大史小  
史內史外史左史右史之名大史掌國之六典小史  
掌邦國之志內史掌書王命外史掌書使乎四方左  
史記言右史記事曲禮曰史載筆大書書之於策小  
事簡牘而已大戴禮曰太子旣冠成人免於保傅則  
有司過之史韓詩外傳云據法守職而不敢爲非者

太史令也斯則史官之作肇自黃帝修於周室名目既多職務咸異至於諸侯列國亦各有史官求其位號一同王者至如孔甲尹逸名重夏殷史佚倚相譽高周楚晉則伯厲司籍魯則丘明受經此並歷代史臣之可得言者降及戰國史氏無廢趙鞅晉之一大夫爾猶有直臣書過操簡筆於門下田文齊之一公子爾每坐對賓客侍史記於屏風至若秦趙二主澠池交會各命其御史書某年某月鼓瑟鼓缶此則春秋君舉必書之之義也然則官雖無闕而書尚有遺故史臣等差莫辨其序按呂氏春秋曰夏太史終古見桀惑亂載其圖法出奔商商太史高摯見紂迷亂載其圖法出奔周晉太史屠黍見晉之亂亦以其圖法歸周又春秋晉齊太史書趙崔之弒鄭公孫黑強與於盟使太史書其名且曰七子昭二年晉韓宣子來聘觀書於太史氏見易象與魯春秋曰周禮盡在魯矣然則諸史之任太史其最優乎至秦有天下太史令胡毋敬作傳學章此則自夏迄秦斯職無改者矣漢興之世武帝又置太史公位在丞相上以司馬



談爲之漢法天下計書先上太史副上丞相敘事如  
 春秋及談卒子遷嗣遷卒宣帝以其官爲令行太史  
 公文書而已尋自古太史之職雖以著述爲宗而兼  
 掌曆象日月陰陽度數司馬遷既歿後之續史記者  
 若褚先生劉向馮商楊雄之徒並以別職來知史務  
 於是太史之署非復記言之司故張衡單颺王立高  
 堂隆等其當官見稱唯知占候而已 其二條

褚先生名少  
 颺官揚

評曰大戴禮虞史伯夷班彪畧論唐虞三代詩書  
 所及有史官以司典籍注云夏太史終古殷大史  
 高摯周太史儋則虞夏殷周史官之名大畧可紀  
 而史通云史官肇自黃帝修於周室似於四代未  
 免遺焉

歸雲集或謂倉頡爲黃帝史官其謬蓋始於宋衷  
 爾世本云沮誦倉頡作書未嘗言爲史官也衷乃  
 注云倉頡沮誦黃帝史官而韋誕傳玄皇甫謐輩  
 皆從其說不及考辨然河圖說徵稱倉帝鴻烈解  
 稱史皇說文稱頡皇曰帝曰皇豈人臣哉故崔瑗  
 曹植蔡邕索靖張揖顧野王皆以倉頡爲古帝不

得稱爲黃帝史官云又曰黃帝主書史之臣則沮  
誦作雲書孔甲爲史執青纂記言動惟實凡盤盂  
籩豆奩鏡劒履輿席巾杖弓矛戶牖之間莫不注  
銘以示勅戒孔甲之銘周公嘗誦之於成王矣蔡  
邕銘論云黃帝有几巾之銘孔甲有盤盂之戒杜  
甫亦云風后孔甲克其佐或以爲夏孔甲非又曰  
黃帝史官孔甲夏后亦有孔甲孔子八世孫鮒亦  
曰孔甲

評曰據歸雲之論倉頡古帝非皇帝之史臣孔甲  
爲史非夏王之孔甲又史記載武王立社召公奭  
贊采師尚父牽牲尹佚筮祝則尹佚周臣也史通  
曰孔甲尹逸名重夏殷孔甲非史臣尹逸非殷人  
豈別有所據邪佚與逸同史記無逸作無佚

孫伯鷹孫伯字鷹名司晉典籍故稱籍鷹

夏太史令終古黃帝裔任姓之後也終一作佟一  
作佟高勢一作向勢屠黍歸周威公俱見呂氏春  
秋先識覽困學紀聞說苑晉大夫屠餘見晉平公  
之驕以其國法歸周周威公見而問焉曰天下之

國孰先亡對曰晉先亡居三年晉果亡愚謂平公  
 後三年晉未亡也是時兩周末分亦無周威公呂  
 氏春秋晉太史屠黍見晉公之驕高誘注以為晉  
 出公當從呂覽然晉政在大夫久矣非以驕亡也  
 屠黍不可謂知幾

遊楚于南

左昭元鄭為遊楚亂故六月丁巳鄭伯及其大夫  
 盟于公孫段氏罕虎公孫僑公孫段印段遊吉駟  
 帶私盟于閨門之外實薰隧公孫黑強與於盟使  
 大夫書其名且曰七子子產弗討

閨門鄭城門薰  
 隧門外道名黑

自欲同於六亂  
 卿故曰七子

胡母姓敬名姓苑云齊宣王母弟別封母鄉遠本  
 胡公近取母邑故為胡母氏又志云蒼頡七章秦  
 丞相李斯作爰歷六章車府令趙高作博學七章  
 太史令胡母敬作文字多取史籀篇而篆體頗異  
 索隱曰褚先生補史記合集武帝事以編年今止  
 取封禪書補之信其才之薄也張晏云褚先生穎  
 川人仕元成間韋稜云褚少孫梁相褚大弟之孫  
 宣帝時為博士藝文志太史公百三十篇

十篇有  
 錄無書

褚先生二云  
 會稽人

馮商續七篇韋昭曰馮商受詔續太史公十餘篇  
 在班彪別錄商字子高師古曰七畧云商陽陵人  
 治易事五鹿充宗後事劉向能屬文後與孟柳俱  
 待詔頗序列傳未卒病死藝文志又有待詔馮商  
 賦九篇

南陽張衡字平子好玄經謂崔瑗曰吾觀太玄方  
 知子雲妙極道數乃與五經相擬東漢安帝時為  
 大史令作渾天儀著靈憲算罔論

泰山高堂隆字升平青龍中侍中領太史令陳壽  
 曰高堂隆學業修明志存匡君因變陳戒發  
 誠忠矣哉

評曰崔瑗稱平子數術窮天地制作侔造化陳壽  
 贊升平志存匡君發於忠誠讀思玄賦與高堂奏  
 議可想見其為人徒知占候已爾

當王莽代漢改置柱下五史秩如御史聽事侍傍記  
 跡言行蓋効古者動則左史書之此其義也

其三條

漢氏中興明帝以班固為蘭臺令史詔撰光武本紀  
 及諸列傳載記又楊子山為郡上計吏獻所作哀牢

青龍魏明帝  
 改元時有青

傳爲帝所異徵詣蘭臺斯則蘭臺之職蓋當時著述之所也自章和已後圖籍盛於東觀凡撰漢記相繼在乎其中而都謂著作竟無它稱

其四條

論衡楊終子山爲郡上計吏見三府椽史爲哀牢傳不能成歸郡作上孝明奇之召在蘭臺前漢百官表御史大夫秦官有兩丞一曰中丞在殿中蘭臺掌圖籍秘書後漢百官志蘭臺令史六百石本注曰掌奏及印工文書

後漢書地理志哀牢永平中置故牢王國雲南通志永昌有哀牢山在府東二十里本名安樂哀牢訛爲哀牢非也故牢王國爲是

太和魏明帝  
改元元康晉  
惠帝改元

當魏太和中始置著作郎職隸中書其官卽周之左史也晉元康初又職隸秘書著作郎一人謂之大著作專掌史任又置佐著作郎八人宋齊已來以佐名施於作下

改佐著作郎  
爲著作佐郎

舊事佐郎職知博採正郎資

以草傳如正佐有失則秘監職司其憂其有才堪撰述學綜文史雖居他官或兼領著作亦有雖爲秘書監而仍領著作郎者若中朝之華嶠陳壽陸機束皙

憂字疑

江左之王隱虞預于寶孫盛宋之徐爰蘇寶生梁之沈約裴子野斯並史官之尤美著作之妙選也而齊梁二代又置修史學士陳氏因循無所變革若劉涉謝吳顧野王許善心之類是也

其五條

高陽許善心字務本隋黃門侍郎撰方物志煬帝嘗言及文帝受命之符因問鬼神之事敕善心與崔祖濬撰靈異記十卷初善心父著梁史未就歿善心修續家書後死於宇文士及之難

至若偏隅僭國夷狄偽朝求其史官亦有可言者按

郤音隙

陳壽薛瑩

廣俱注十二

卷孫時降晉

封歸命侯

蜀志稱王崇補東觀許蓋掌禮儀又郤正為秘書郎廣求益部書籍斯則典較無闕屬辭有所矣而陳壽評云蜀不置史官者得非厚誣諸葛乎別有曲筆篇言之詳矣吳歸命時有左右二國史之職薛瑩為其左華覈為其右又周處自左國史遷東觀令以斯考察則其班秩可知

其六條

評曰陳壽譏武侯國不置史注記無官是以行事多違災異靡書第考壽志章武二年夏六月黃氣見自秭歸十餘里中廣數十丈景耀元年史官言

景星見於是大赦改年何其言之自相左也子玄以王崇許蓋郤正駁之當矣第未有蜀史可稱豈官卽設史未就邪蜀志注雖引王隱蜀記孫盛蜀世譜隱盛皆晉人也譙周有蜀本紀考周仕蜀爲光祿大夫亦未爲史官豈降魏後作邪蜀志郤正字令先偃師人蜀秘書令史遷郎至今當世美書善論益部有者則鑽鑿推求畧皆寓目後主東遷洛陽惟正及殿中督汝南張通舍妻子單身隨侍時論嘉之

嘉平傳漢  
劉聰改元

僞漢嘉平初公師或以太中大夫領左國史撰其國君臣紀傳前涼張駿時劉慶遷儒林郎中常侍在東苑撰其國書蜀與西涼三朝記事委之門下南涼主烏孫初定霸基欲造國紀以其叅軍郎韶爲國紀祭酒使撰錄時事自餘僞事多置著作官若前趙之和苞後燕之董統是也

其七條

公師或襄陵人善相見劉淵驚曰此人形貌非常吾所未見也官至大中大夫爲劉聰所誅中黃門凌修與中常侍王沉等寵幸用事構或與尚書王

苞音包

琰田歆少府陳休左衛士崇大司農朱誕聰一日

而尸七卿

公師姓  
或音郁

辛晏阻兵於抱罕張駿讌羣寮於閑豫堂命竇濤等進討辛晏從事劉慶諫曰霸王不以喜怒興師不以乾沒取勝必須天時人事然後起也辛晏父子安忍凶狂其亡可待奈何以饑年大舉猛寒攻城昔周武廻戈以須亡殷之期曹公緩袁氏使自斃何獨殿下以旋兵爲耻乎駿納之

元魏初稱制卽有史臣雜取它官不常厥職故如崔浩高閭之徒唯知著述而未列名號其後始於秘書置著作局正郎二人佐郎四人其佐三史者不過一二而已普泰以來三史稍替別置修史局其職有六人當代都之時史臣每上奉王言下詢國俗兼取工於翻譯者來直史曹及洛京之末朝議又以爲國史當專任代人不宜歸之漢士於是谷纂山偉更主文籍凡經二十餘年其事闕而不載斯蓋猶秉夷禮有互鄉之風者焉

其八條

評曰史通云谷纂山偉更主文籍考魏史亡國纂

謹音亦傳言也



姓名止李延壽山偉傳云國史自鄧彥海崔深崔  
浩高允李彪崔光以還諸人相繼撰錄綦儁及偉  
等諂說上黨王天穆及尔朱氏世隆以爲國書正  
應代人修緝不宜委之餘人是以綦偉等更主文  
籍守舊而已初無述著故自崔鴻死後迄終偉身  
二十許載時事蕩然萬不記一後人執筆無所憑  
據史之遺闕偉之由也所云綦偉綦儁山偉也豈  
誤以綦儁爲谷纂邪綦儁另有傳

綦儁字劼顯洛陽人其先居代儁孝莊時仕累遷  
爲滄州刺史孝武帝入關加散騎常侍驃騎大將軍  
軍

山偉字仲才洛陽人其先居代偉涉獵文史孝莊  
入宮領著作郎節閔帝立除秘書監仍著作孝靜  
初除衛大將軍中書令監起居後以本官復領著  
作卒

高齊及周迄于隋氏其史官以大臣統領者謂之監  
修國史自領則近循魏代遠効江南叅雜其間變通  
而已唯周建六官改著作之正郎爲上士佐郎爲下

虬音舊虬一  
作蚪

王劭注一卷  
大業隋煬帝  
改元

士名謚雖曰而班秩不殊如魏收之擅名河朔柳虬  
之獨步關左王劭魏澹展効於開皇之朝諸葛穎劉  
炫宣功於大業之世亦各一時也 其九條

河東柳蚪字仲盤周文帝時秘書丞領著作修起  
居注上言史官書善惡密為記注徒聞後世無益  
當時人以爲讜

鉅鹿魏收字伯起魏中書舍人與濟陰温子昇河  
間邢子才齊譽世號三才武定二年除中書侍郎  
修國史齊受禪詔撰魏史又詔平原王高隆之總

監之帝敕收曰好直筆我終不作魏太武誅史官  
始魏初鄧彥海撰大記十餘卷其後崔浩典史遊  
允程駿李彪崔光李琰之郎知世修其業浩為編  
年體彪始分作紀表志傳書猶未出宣武時命邢  
巒追撰孝文起居注書至太和十四年又命崔鴻  
王遵業補續下訖孝明事甚委悉濟陰王暉業撰  
辯宗室錄三十卷收於是與通直常侍房延祐司  
空司馬辛元植國子博士刁柔裴昂之尚書郎高  
孝幹專總斟酌以成魏書辨定名稱隨條甄舉又

澹字彥深  
唐高諱改深

搜採亡遺綴續後事備一代史籍書成衆口誼然  
號爲穢史齊亡之歲收冢被發棄其骨於外  
魏澹字彥深季景子收族弟也齊殿中郎中書舍  
人與李德林修國史隋帝以魏收所撰後魏書褒  
貶失實平繪爲中興書事不倫序詔澹別成魏史  
澹自道武下及恭帝爲十一紀七十八列傳別爲  
史論及例各一卷合九十二卷義例與收多異  
丹陽諸葛穎字漢隋著作郎煬帝甚見親幸穎因  
隙多所譖毀人謂之冶葛撰鑿駕北巡記一卷幸

江都道里記一卷洛陽古今記一卷

槩皇家之建國也乃別置史館通籍禁門西京則與  
鸞渚爲隣東都則與鳳池相接厥館宇華麗酒饌豐  
厚得廁其流者實一時之美事至咸亨年以職司多  
濫高宗喟然而稱曰朕甚惜焉乃命所司曲加推擇  
如有居其職而闕其才者皆不得預於修撰詔曰修  
撰國史義存典實自非操履忠正識量該通才學有  
聞難堪斯任竊聞近日以來但居此職卽知修撰非  
唯編緝訛舛亦恐漏洩史事自今後宜遣史司精簡

宋末詔全文  
作小字註

堪修史人灼然為衆所推者錄名進內自餘雖居史職不得輒聞見所修史籍及未行用國史等之事由是史臣拜職多取外司著作一曹始成虛設凡有筆削畢歸于餘館始自武德迄乎長壽其間若李仁實以直辭見憚敬播以敘事推工許敬宗之矯妄牛鳳及之狂惑此其善惡尤著者也

其十條

李仁實頓丘人官左史著格論通曆等書

蒲州敬播貞觀初進士時顏師古孔穎達撰次隋

史詔播詣秘書內省參纂再遷著作佐郎兼修國

史又與令狐德棻等撰晉書房玄齡嘗稱播陳壽

之流

杭州許敬宗字延族署文學館學士貞觀中除著

作郎兼修國史初太子承乾廢官屬張玄素令狐

德棻趙弘智裴宣機蕭鈞皆除名敬宗為言帝悟

多所甄復高宗即位進中書令初高祖太宗實錄

敬播所誤信而詳及敬宗竄改不平專出已私

又按晉令著作郎掌起居集注撰錄諸言行勳伐舊

載史籍者元魏置起居令史每行幸讌會則在御左

武德唐高祖  
改元長壽

后改元李仁

實牛鳳及許

十二卷

右記錄帝言及賓客訓對後別置修起居注二人多以餘官兼掌至隋以吏部散官及較書正字閑於述注者修之納言監領其事煬帝以爲古有內史外史今既有著作宜立起居遂置起居舍人一員職隸中書省如庾自直崔濬祖虞世南蔡允恭等咸居其職時謂得人唐氏因之又加置起居郎二員職與舍人同每天子臨軒侍立於玉階之下郎居其左舍人居其右人主有命則逼階延首而聽之退而編錄以爲起居注龍朔中改名左史右史今上卽位仍從國初

李安期注  
七卷

之號焉高祖太宗時有令狐德棻呂才蕭鈞褚遂良上官儀高宗則天時有李安期顧胤高智周張大素凌季友斯並當時得名朝廷所屬也夫起居注者編次甲子之書至於策命章奏封拜薨免莫不隨事記錄言惟詳審凡欲撰帝紀者皆因之以成功卽今爲載筆之別曹立言之貳職故略述其事附於斯篇

十一條

賴川庾自直隋著作佐郎化及作逆與之北上自直載露車中感激發病卒

崔濟祖唐書作祖濟

餘姚虞世南隋秘書郎貞觀初拜員外散騎侍郎  
弘文館學士

蔡允恭武德初爲秦王府參軍

博州呂才貞觀時直弘文館參論樂事帝嘗覽周  
武帝三局象經不能通或言太子洗馬蔡允恭能  
之召問允恭少通其畧老乃忘試問才退一宿卽  
解具圖以聞允恭記其舊與才正同

蕭鈞瑀從子梁明帝孫也永徽中諫議大夫弘文  
館學士

褚遂良字登善亮子貞觀中起居郎遷諫議大夫  
拜中書令後以諫立武后貶愛州卒

陝州上官儀字遊韶貞觀初弘文館直學士高宗  
時進西臺侍郎麟德元年坐梁主忠事下獄死中  
宗時追贈中書令  
蘇州顧胤永徽中起居郎兼修國史以撰太宗實  
錄加弘文館學士

常州高智周儀鳳初進同中書門下三品是時崔

知溫劉景先修國史故智周與郝處俊監莅久之  
罷爲御史大夫

擗音佩形音  
同管叶占反

又按詩擗風靜女之三章君子取其彤管夫彤管者  
女史記事規誨之所擗也古者人君外朝則有國史  
內朝則有女史內之與外其任皆同故晉獻惑亂驪  
姬夜泣床第之私房中之事不得掩焉楚昭王讌遊  
蔡姬許從孤死矣夫宴私而有書事之冊蓋受命者  
卽女史之流乎至漢武帝時有禁中起居注明德馬  
皇后撰明帝起居注凡斯著述似出宮中求其職司

明德注十卷

未聞位號隋世王劭上疏請依古法復置女史之班  
具錄內儀付於外省文帝不許遂不施行大抵自古  
史官其沿革廢置如此夫仲尼修春秋公羊高作傳  
漢魏之陸賈魚豢晉宋之張璠范曄雖身非史職而  
私撰國書若斯人者有異於是故不復詳而錄之  
其  
十二條

隋志魚豢撰  
典畧八十九  
卷唐志魚豢  
撰畧五十卷

評曰考擗風靜女章靜女其變貽我彤管彤管有  
煒說懌女美注彤管未詳何物蓋相贈以結殷勤  
之意史通以爲女史記事之所擗者似筆也子玄

史通言 卷十一  
當另有據又考韻書彤丹飾也赤也詩言彤管有  
煒注煒赤貌豈丹筆邪

國語優施教驪姬夜半而泣謂獻公曰君益殺我  
無以一妾亂百姓公曰太子惠其民而不惠於其  
父乎驪姬曰君益老而授之政彼得政而行其欲  
得其所索乃其釋君公曰不可爾勿憂吾將圖之  
列女傳越姬者越王勾踐之女楚昭王之姬也昭  
王燕遊蔡姬在左越姬參右乃顧謂二姬曰樂乎  
蔡姬對曰樂王曰吾願與子生若此死又若此蔡  
姬曰願生同樂死同時王顧謂史書之蔡姬許從  
孤死矣乃復謂越姬越姬曰樂則樂矣然而不可  
久也妾不敢聞命於是王悟

夫爲史之道其流有二何者書事記言出自當時之  
簡勒成刪定歸於後來之筆然則當時草創者資乎  
博聞實錄若董狐南史是也後來經始者貴乎雋識  
通才若班固陳壽是也必論其事業前後不同然相  
須而成其歸一揆 其十三條

評曰書記於當時難刪定於後來易故南史兄弟



不免其身董狐非盾亦南之續矣孟堅承祚得從  
容優遊以卒漢書國志之業而無南董之旤時異  
故也孟堅瘐死乃黨竇之過非作史之尤

觀夫周秦已往史官之取人其詳不可得而聞也至  
於漢魏已降則可得而言然多竊虛號有聲無實按  
劉曹二史皆當代所撰能成其事者蓋唯劉珍蔡邕  
王沉魚豢之徒耳而舊史載其同作非止一家如王  
逸阮籍亦預其列且叔師研尋章句儒生之腐者也  
嗣宗沉酒麴蘖酒徒之狂者也斯豈能措置時事裁

逸字叔師籍  
字嗣宗

成國典乎而近代趨競之士尤喜居史職至於拊髀  
下筆者十無一二焉旣而書成繕寫則署名同獻爵  
賞旣行則攘袂爭受遂使是非無準真偽相雜生則  
厚誣當時死則致惑來代而書之譜傳以爲美談載  
之碑碣增其壯觀旣而自歷行事稱其所長則云某  
代著某書某年成某史加封若干戶獲賜若干段諸  
如此類往往而有遂使讀者皆以爲名實相符功賞  
相副昔魏帝曰舜禹之事吾知之矣此則効歟

其十  
四條

延按末四句疑有脫漏

史通註 左傳古史書一書則又言... 史通註 左傳古史書一書則又言... 史通註 左傳古史書一書則又言... 史通註 左傳古史書一書則又言...

唐劉子玄知幾撰著

明陳繼儒仲醇訂註

外篇

古今正史第二

總十八條

易曰上古結繩以理後世聖人易之以書契儒者云  
伏犧氏始畫八卦造書契以代結繩之政由是文籍  
生焉又曰伏犧神農黃帝之書謂之三墳言大道也  
少昊顓頊高辛唐虞之書謂之五典言常道也春秋

傳載楚左史能讀三墳五典禮記曰舛史掌三皇五  
帝之書由斯而言則墳典文義三五典策至於春秋  
之時猶大行於世爰及後世其書不傳惟唐虞已降  
可得言者然自堯而往聖賢猶述求其一二髣髴存  
焉而後來諸子廣造竒說其語不經其書非聖故馬  
遷有言神農已前吾不知矣班固亦曰顓頊之事未  
可明也斯則墳典所記無得而稱者焉

右說三墳五典

晁公武曰古三墳書一卷張天覺言得之於北陽  
民家墳皆古文而傳乃隸書所謂三墳者山氣形  
也七畧隋志皆無之世以爲天覺僞撰

陳氏曰元豐中毛漸正仲奉使京西得之唐州民  
舍其辭詭誕不經蓋僞書也三墳之名惟見於左  
氏右尹子革之言蓋自孔子定書斷自唐虞以下  
前乎唐虞無徵不信不復采取於時固已影響不  
存今去二千載而其書忽出何可信也况皇謂之  
墳帝謂之典皆古史也不當如毛所錄其僞明甚  
晁公武云張商英僞撰以比李筌陰符經

山墳連山氣  
墳歸藏形墳  
坤乾

馬端臨曰按夫子所定之書其亡於秦火而漢世所不復見者蓋杳不知其爲何語矣况三墳已見削於夫子而謂其書忽出於元豐間其謬可知夾溲好奇而尊信之過矣又况詳孔安國書序所言則墳典書也蓋百篇之類也八索易也蓋彖象文言之類也今所謂三墳者曰山墳氣墳形墳而以爲連山歸藏坤乾之所由作而又各有所謂大象六十四卦則亦是易書而與百篇之義不類矣豈得與五典竝稱乎

桓譚新論易連山八萬言歸藏四千三百言古文尚書舊有四十五卷爲十八篇古帙禮記有五十卷古論語二十一卷古孝經一卷二十章千八百七十二字今異者四百餘字蓋嘉論之林藪文義之淵海也延按新論不及三墳而有尚書則三墳在漢業已不傳

評曰張平子說三禮禮爲人防墳大防也五典五帝之常道也馬融三氣天地人之氣也五典五行也古人論墳典其說不同如此則書已久亡矣史

通謂墳典所記無得而稱諒矣夫三墳之書漢唐業已不傳至宋始出贗也北史云劉炫偽造連山易連山可偽惡知三墳非偽乎

堯舜相承已見墳典周監二代各有書籍至孔子討論其議刪爲尚書始自唐堯下終秦繆其言百篇而各爲之序屬秦爲不道坑儒禁學孔子之末孫曰孔惠壁藏其書漢室龍興旁求儒雅聞故秦博士伏勝能傳其業詔太常使掌故晁錯受焉時伏生年且百歲言不可曉口授其書纔二十九篇自是傳其學者

有歐陽氏大小夏侯宣帝時復有河內女子得泰誓一篇獻之與伏生所誦合三十篇行之於世其篇所載年月不與序相符會又與左傳國語孟子所引泰

誓不同故漢魏諸儒

謂馬融鄭玄王肅也

咸疑其繆古文尚書

者卽孔惠之所藏科斗之文字也魯恭王壞孔子舊宅始得之於壁中博士孔安國以校伏生所誦增多二十五篇更以隸古字寫之編爲四十六卷司馬屢採其事故遷多有古說安國又受詔爲之訓傳值武帝末巫蠱事起經籍道息不獲奏上藏諸私家劉向

取校歐陽大小夏侯三家經文脫誤甚衆至於後漢孔氏之本遂絕其有見於經典者諸儒皆謂之逸書

馬融鄭玄杜預也王肅亦注今文尚書而大與古文孔傳相

類或肅私見其本而獨秘之乎晉元帝時豫章王內

史梅賾始以孔傳奏上而缺舜典一篇乃取肅之堯

典從慎徽以下分爲舜典以續之自是歐陽大小夏

侯家等學馬融鄭玄王肅諸注廢而古文孔傳獨行

列於學官永爲世範齊建武中吳興人姚方興采馬

王之義以造孔傳舜典云於大航購得詣闕以獻舉

朝集議咸以爲非梁武帝時爲博士議曰孔敘稱伏

合舜典必有曰若稽古伏生雖云昏耄何容由是遂不見用也及江陵板蕩其文入

北中原學者得而異之隋學士劉炫遂取此一篇列

諸本第故今人所習尚書舜典元出於姚氏者焉

右說尚書

評曰孔安國序云伏生以舜典合於堯典孔穎達

云張霸之徒僞作舜典姚方興所得古文孔傳舜

典止乃命以位二十八字自慎徽五典以下固具

於伏生書也史通謂今人所習尚書舜典元出於

齊肅帝蕭  
改元建武

姚似舜典一篇盡出於姚則未確也蔡仲默注甚  
詳當參看焉又劉炫仕隋不達官終太常博士未  
爲學士

又曰隋經籍志云漢武帝時魯恭王懷孔子舊宅  
得其末孫惠所藏書字皆古文顏師古曰家語記  
孔勝字襄畏秦法峻急藏尚書孝經論語於夫子  
舊堂中而漢記尹敏傳云孔鮒所藏史通孔惠之  
說出隋志而孔勝孔鮒二說見文獻通考經籍考  
未知孰是

鄭康成序云伏生勝爲秦博士至孝文時年且百  
歲張生歐陽生從其學而授之音聲猶有訛誤先  
後猶有差舛重以篆隸之殊不能無失生終後數  
子各論所聞以己意彌縫其闕別作章句又特撰  
大義因經屬指名之曰傳劉向校書得而上之凡  
四十一篇至康成始詮次爲八十三篇

儒林傳秦時伏生壁藏漢定求其書亡數十篇獨  
得二十九篇教於齊魯之間孝文詔太常使掌故  
晁錯往受之注師古曰衛宏定古文尚書序云伏

名伏勝字  
子賤

生老不能正言言不可曉使其女傳言教錯齊人  
語多與頰川異錯所不知凡十二三畧以其意屬  
讀而已

晉書鄭冲以古文授蘇愉愉授梁柳柳之內兄皇  
甫謐又從柳得之而柳又以授臧曹曹始授梅賾  
賾乃奏上其書而施行焉

馬融字季長東觀典校祕書嘗欲訓左氏春秋及  
見賈逵鄭衆注乃曰賈君精而不博鄭君博而不  
精既精既博吾何加焉但著三傳異同說

北海鄭玄字康成事馬融辭歸融喟然曰鄭生去  
吾道東矣玄所注周易尚書毛詩儀禮禮記論語  
孝經尚書大傳中侯乾象曆又著天文七政論魯  
禮禘祫義六藝論毛詩譜駁許慎五經異義答臨  
孝存周禮難凡百餘萬言

當周室微弱諸侯力爭孔子應聘不遇自衛而歸乃  
與魯君子左丘明觀書於太史氏因魯史記而作春  
秋上遵周公遺制下明將來之法自隱及哀十二公  
行事經成以授弟子弟子退而異言丘明恐失其真



右錄無書者  
目錄而無書  
傳也仲舒注  
二卷

故論本事而爲傳明夫子不以空言說經也春秋所  
貶當世君臣其事實皆形於傳故隱其書而不宣所  
以免時難也及末世口說流形故有公羊穀梁鄒夾  
之傳鄒氏無師夾氏有錄無書故不顯於世漢興董  
仲舒公孫弘竝治公羊其傳習者有嚴顏二家之學  
宣帝卽位聞衛太子私好穀梁乃召名儒蔡千秋蕭  
望之等大議殿中因置博士平帝初立左氏逮於後  
漢儒者數廷毀之會博士李封卒遂不復用逮和帝  
元興十一年鄭興父子奏請重立於學官至魏  
書漸行而二傳亦廢今所用左氏本卽杜預所注者

右說春秋

戴宏序云子夏傳之公羊高高傳其子平平傳其  
子地地傳其子敢敢傳其子壽至漢景帝時壽乃  
與弟子胡毋子都著以竹帛其後傳董仲舒以公  
羊顯于朝又四傳至何休爲經傳集詁其書遂大  
傳鄭玄曰公羊善於讖休之注引讖爲多應劭風  
俗通稱穀梁名赤子夏弟子糜信則以爲秦孝公  
同時人阮孝緒則以爲名倣字元始皆未詳也自

孫卿申公至蔡千秋江翁凡五傳至漢宣帝好之  
遂盛行於世

隋經籍志曰遭秦滅學口說尚存漢初有公羊穀

梁鄭氏夾氏四家竝行王莽之亂鄒氏無師夾氏

有錄無書

夾音頰

公孫弘菑川薛人年四十餘乃學春秋雜說蕭望  
之字長倩東海蘭陵人俱詳漢書本傳

儒林傳武帝尊公羊家由是大興胡毋生弟子羸

公授孟卿眭孟眭孟授嚴

本姓莊

彭祖顏安樂由是

有嚴顏之學

警真古送切

開封鄭興字少贛少學公羊春秋晚善左氏傳通

達其旨同學者皆師之子衆字仲師從父受左氏

春秋明三統歷作春秋難記條例後受詔作春秋

刪十九篇

杜陵杜預字元凱晉當陽縣侯爲春秋左氏經傳

集解又參攷衆家譜第謂之釋例又作盟會圖春

秋長歷構成一家之學

評曰左勝公穀子玄三長五短之說備矣當西漢

盛時尊公穀而絀左何也一則左書未著二傳獨  
行一則當其時衛太子宣帝以人主而好穀董仲  
舒公孫弘以大儒而好公上有好者下有甚焉左  
其如公穀何其後劉歆鄭興父子奏立學官至杜  
預而著至子玄而申訖於今日家習其書嗟乎龍  
矐有時毋論人之行藏卽典籍亦爾

又當春秋之世諸侯國自有史故孔子求衆家史記  
而得百二十國書如楚之書鄭之志魯之春秋魏之  
紀年此其可得言者左丘明旣配經立傳又撰諸異

同號曰外傳國語二十一一篇斯蓋採書志等文非唯  
魯之史記而已楚漢之際有好事者錄自古帝王公  
侯卿大夫之世終乎秦襄號曰世本十五篇春秋之  
後七雄並爭秦并諸侯則有戰國策三十三篇漢興  
太中大夫陸賈紀錄時政作楚漢春秋九篇孝武之  
世太史公司馬談欲錯綜古今勒成一史其意未就  
而卒子遷乃述父遺志採左傳國語刪世本戰國策  
據楚漢列時事上自黃帝下訖麟趾作十二本紀十  
表八書三十世家七十列傳凡百三十篇都謂之史

記協厥六經異傳整齊百家雜語藏諸名山副在京  
師以俟後聖君子至宣帝時遷外孫楊惲祖述其書  
遂宣布焉而十篇未成有錄而已  
張晏漢書注云十篇歿後亡失此說  
非也元成之間會稽褚先生更補其缺作武帝紀三王  
世家龜策日者辭多鄙陋非遷本意也晉散騎常侍  
巴西譙周以遷書周秦已上或采家人諸子不專據  
正經於是作古史考二十五篇皆憑舊典以糺其繆  
今則與史記並行於代焉

右說史記

張晏曰遷沒之後亡景武紀禮樂兵書漢興將相  
年表三王世家日者龜策勒歛寬列傳元成之間  
褚先生補作武紀三王世家日者龜策傳言辭鄙  
陋非遷本意顏師古曰本無兵書張說非也

惲

楊惲華陰人父敞母司馬遷女也惲始讀外祖太  
史公記頗為春秋以材能稱以驕奢不悔誅  
蜀志譙周字允南西克國人蜀光祿大夫降魏封  
陽城亭侯入晉為散騎常侍著法訓五經論古史  
考隋志古史考二十五卷左傳正義譙周考古史

史通論 卷十二  
謂炎帝與神農二人小司馬三皇本紀按古史考  
評曰譙周以司馬遷史記書周秦以上或採俗語  
百家之言不專據正經於是作古史考二十五篇  
皆憑舊典糾遷謬誤司馬彪復以周爲未盡善也  
條古史考中凡百二十二事爲不當多據汲冢紀  
年之義宋蘇子由又作古史始伏犧訖秦始皇朱  
子稱其近理其後廬陵羅泌作路史明應城陳士  
元作荒史尚論古初率多謬悠善乎楊朱之言曰  
三皇之事若存若亾五帝之事若夢若覺三五之  
事或隱或顯億不識一當身之事或見或聞萬不  
識一目前之事或存或廢千不識一此可以論古  
史矣

馮商注十一  
卷史岑互見  
八卷

史記所書年止漢武太初已後闕而不錄其後劉向  
向子歆及諸好事者若馮商衛衡楊雄史岑梁審肆  
仁晉馮段肅金丹馮衍韋融蕭奮劉恂等相次撰續  
迄于哀平間猶名史記至建武中司徒掾班彪以爲  
其言鄙俗不足以踵前史又雄歆褒美僞新誤後惑  
衆不當垂之後代者也於是採其舊事旁貫異聞作

後傳六十五篇其子固以父所撰未盡一家乃起元  
 高皇終乎王莽十有二世二百三十年綜其行事上  
 下通洽為漢書紀表志傳百篇其事未畢會有上書  
 云固私改作史記者有詔京兆收繫悉錄家書封上  
 固弟超詣闕自陳明帝引見言固續父所作不敢改  
 易舊書帝意乃解即出固徵詣校書受詔卒業經二  
 十餘載至章帝建初中乃成固後坐竇氏事卒於洛  
 陽獄書頗散亂莫能綜理其姝曹大家博學能屬文  
 奉詔校敘又選高才郎馬融等十人從大家授讀其

大家名昭一  
 名姬字惠班  
 家青姑家者  
 嘗長之稱如  
 婦之於姑之  
 蒙此其後唐  
 有即大家

人表及天文志等猶未克成多是待詔東觀馬續所  
 作而古今人表不類本書始自漢末迄乎陳世為其  
 注解者凡二十五家至於專門受業與五經相亞初  
 漢獻帝以固書文煩難省乃詔侍中荀悅依左氏傳  
 刪為漢紀三十篇命秘書給紙筆經五年乃就其言  
 簡要亦與本傳並行

漢紀全存

右說漢書

晁氏曰前漢書一百卷後漢玄武司馬班固續遷  
 史記撰十二帝紀八年表十志七十列傳起高祖

瘦骨即瘠  
病死於獄也

史通言 卷十二  
終王莽二百三十九年凡八十餘萬字固既瘦死  
書頗散亂章帝令其妹曹世叔妻昭就東觀緝校  
內八表天文志皆其所補也唐太宗子承乾令顏  
師古爲之注范曄譏固飾主闕益亦不然其贊多  
微文顧讀者弗察耳劉知幾詆其古今人物表無  
益於漢史此論誠然至謂受金鬻筆固雖諂附匪  
人亦何至是然識者以固書皆因司馬遷王商楊  
雄歆向舊文潤色之故其文章首尾皆善而中間  
頗冗瑣良由商之才視數子微劣耳固之自敘稱  
述者豈亦謂有所本與

評曰談書未就而卒於遷彪書未全而竟於固可  
謂有子而遷下蠶室固就詔獄又何其同禍也遷  
書以女之子楊惲布固書以女弟大家成又何二  
氏之多賢女也伏生之女受經中郎之女傳業今  
且頹眉而迷古今者慙矣  
杜陵馮衍字敬通幼有奇才年九歲能誦詩至二  
十而博羣書已事劉永降於光武帝怨衍等不時  
至永以立功得贖罪遂任用之而衍獨見黜作顯

志賦以自勵

在漢中興明帝始詔班固與睢陽令陳宗長陵令尹

敏司隸從事孟冀作世本祖紀并撰功臣及新市平

林公孫述事作列傳載記二十八篇自是以來春秋

世亦以煥炳而忠臣義士莫之撰勒於是又詔史官

謁者僕射劉珍及諫議大夫李克雜作紀表名臣節

士儒林外戚諸傳起自建武訖乎永初事業垂竟而

珍等繼卒復命侍中伏無忌與諫議大夫黃景作諸

王王子功臣恩澤侯表南單于西羌傳地理志至元

嘉元年復令大中大夫邊韶大軍營司馬崔寔議郎

朱穆曹壽雜作孝穆崇二皇及順烈皇后傳又增外

戚傳入安思等后儒林傳入崔篆諸人寔壽又與議

郎延篤雜作百官表順帝功臣孫程郭願及鄭眾蔡

倫等傳凡百十有四篇號曰漢記嘉平中光祿大夫

馬日磾議郎蔡邕楊彪盧植著作東觀接續紀傳之

可成者而邕別作朝會車服二志後坐事徙朔方上

書求還續成十志會董卓作亂西遷史臣廢棄舊文

散逸在許都楊彪頗存注記至於名賢君子自本初

孟冀尹敏劉

珍朱穆蔡邕

盧植楊彪俱

注九卷

建武光武改

元永初

改元

嘉平靈帝改

元嘉平當改

嘉平



黃初魏文帝  
改元太始晉

武帝改元  
衆作一作衆

說

吳本作三語  
十典列傳七

十

已下闕續魏黃初中唯著先賢表故記殘缺至晉無  
成太始中秘書丞司馬彪始討論衆作綴其所聞起  
于光武終于孝獻錄世十二編年二百通綜上下旁  
引庶事爲紀志傳凡一十三篇號曰續漢書又散騎  
常侍華嶠刪定東觀記爲漢後書帝紀十二皇后紀  
二典十列傳七十譜三總九十七篇其十典竟不成  
而卒自斯已後作者相繼爲編年者四族創紀傳者  
五家推其所長華氏居最而遭晉室東徙三惟一存  
至宋宣城太守范曄乃廣集學徒窮覽舊籍刪煩補  
畧作後漢書凡十紀十志八十列傳合爲百篇會曄  
以罪被收其十志亦未成而死先是晉東陽太守袁  
宏抄撮漢氏後書依荀悅體著後漢紀十三篇世言  
漢中興史者唯范袁二家而已

右說後漢書

陳畱李克字大遜延平中徵爲博士遷侍中  
伏無忌傳永和元年詔無忌與議郎黃景校定中  
書五經諸子百家藝術元嘉中桓帝詔無忌與黃  
景崔寔等共撰漢記又自采集古今刪著事要號

延平廢帝改  
元  
永和順帝改  
元

史通論  
卷十二  
日伏侯注其書上自黃帝下盡漢質帝爲八卷  
陳畱邊韶字孝先官尚書令著詩頌碑銘書策凡  
十五篇  
南陽延篤字叔堅官京兆尹著詩論銘書應訊表  
教令凡二十篇

崔寔字子真桓帝初除爲郎論當世便事數十條  
名曰政論其後拜議郎與邊韶延篤等著作東觀  
漢書司徒王允欲殺伯喈太尉馬日磾馳往拯之  
允不可日磾退而告人曰王公其不長世乎善人  
國之紀也制作國之典也滅紀廢典其能久乎伯  
喈死獄中允尋被害

曹壽字世叔娶班彪之女稱曹大家三輔決錄注  
曰齊相子穀頗隨時俗注云曹成壽之子也司徒  
掾察孝廉爲長垣長母爲太后師徵拜中散大夫  
穀卽成之字也

永平中班固陳宗尹敏孟異共撰世祖本紀固又  
撰列傳載紀二十篇而紀傳始立安帝永初永寧  
間劉珍駒駘張衡李尤等撰集爲漢紀於是又有

永初帝改  
沅

名臣烈士傳焉永壽中則有崔寔邊韶延篤朱穆  
鄧嗣伏無忌之著作熹平中則有盧植馬日磾蔡  
邕韓說楊彪之補續又作靈紀及補諸列傳四十  
二篇而紀傳益備唯書志缺邕以十意足之十意  
猶前書十志也邕上書曰光武已來唯記紀傳無  
續志者臣師太傅胡廣畧以所有舊事與臣積累  
二十餘年得備著作郎建言十志皆當撰錄謹科  
條諸志臣欲嗣定者一當接讀者四前志所無臣  
欲著者五律曆意第一禮意第二樂意第三郊祀  
意第四天文意第五車服意第六

光武紀伯升招新市平林兵與其帥王鳳陳收西  
擊長聚注云新市縣屬江夏郡故城在今郢州富  
水縣東比平林地名在今隨州隨縣東北延按卽  
今承天德安二府  
公孫叔字子陽扶風茂陵人王莽天鳳中爲導江  
卒正居臨邛自立爲蜀王都成都建武元年遂僭  
帝號成家後滅於漢

高唐華嶠字叔駿晉侍中惠帝元康初轉秘書監

嶠以漢紀煩穢慨然改作起光終獻一百九十五年爲帝紀十二皇后紀二卷十典十卷傳七十卷又三譜序傳目錄凡九十七卷易外戚傳爲皇后紀以次帝紀改志爲典名漢後書奏之時藏之祕府嶠撰十典未成子暢續之永嘉喪亂存者三十餘卷

順陽范曄字蔚宗宋吏部郎左遷宣城太守不得志乃刪衆家後漢書爲一家之作至於屈伸榮辱之際未嘗不致意焉後以逆誅

晁氏曰後漢書九十卷志三十卷宋范曄撰十帝紀八十列傳唐高宗令童懷太子賢與劉納言革希元等作註初曄令謝儼撰志未成而曄伏誅儼悉蠟以覆車梁世劉昭得舊本因補註三十卷觀曄與甥姪書序作書之意稱自古體大而思精未有如此者又謂諸序論筆勢放縱實天下奇作往往不減過秦論常以此擬班氏非但不愧之而已其自負如此然世多譏曄創爲皇后紀及采風俗通中王喬抱朴子中左慈等詭譎事例之於傳又

永嘉懷帝  
改元

贊辭佻巧失史體云

陳氏曰按唐藝文志爲後漢史者有謝承薛瑩司馬彪劉義慶華嶠謝沈袁山松七家其前又有劉珍等東觀記至曄乃刪取衆書爲一家之作其自視甚不薄然頗有畧取前人舊文者注中亦著其所從出至於論後有贊尤自以爲傑思殆無一字虛設自今觀之幾於贅矣袁宏字彥伯自吏部郎出爲東陽郡太元初卒撰後漢紀三十卷晁氏曰宏在晉末爲一時文宗以東京史籍不倫謝承司馬彪之徒錯謬同異無所取正唯張璠紀差詳因參摭記傳以損益之比諸家號爲精密

太元晉李武  
改元

評曰遷下腐刑而祖述史記者楊惲劉歆揚雄相繼誅辱回斃詔獄而綜續漢書者蔡邕范曄相將就戮韓子所云人禍天刑其說然邪固不可不慎也

魏史黃初太和中始命尚書衛紀繆襲草創紀傳累載不成又命侍中常誕應璩秘書王沉大將軍從事中郎阮籍司徒右長史孫該司隸校尉傅玄等復共

黃初魏文帝  
改元太和魏  
明帝改元  
傳玄注八卷

吳孫權謚大帝

歸命侯注十卷

夏侯湛注五卷

孫盛注二卷  
王隱注本卷  
晉書下

撰定其後王沉獨就其業勒成魏書四十四卷其書多為時諱殊非實錄吳大帝之季年始命大始令丁孚郎中項峻撰吳書峻孚俱非史才其文不足紀錄至少帝時更勅常曜周昭薛瑩梁廣華覈訪求往事相與記述竝作之中曜瑩為首當歸命侯時廣昭先亡曜瑩徒黜史官久闕書遂無聞覈表請曜瑩續成前史其後曜獨終其書定為五十五卷至晉受命海內大同著作陳壽乃集三國史撰為國志凡六十五篇夏侯湛時亦著魏書見壽所作便壞已草而罷及壽卒梁州大中正范頽表言國志明乎得失辭多勸誠有益風化願多採錄於是詔下河南尹就家寫其書先是魏時京兆魚豢私撰魏畧事止明帝其後孫盛撰魏氏春秋王隱撰蜀記張勃撰吳錄異聞錯出其流最多宋文帝以國志載紀傷於簡畧乃命中書郎裴松之兼採眾書補注其闕由是世言三國志者以裴注為本焉

右說三國志

文章志繆襲字熙伯事魏四世多所述敘官至尚

書光祿勳

文章敘祿常誕字仲將太僕端之子有文才善屬  
辭章建安中爲郡上計史特拜郎中稍遷侍中中  
書監太和中爲武都太守以能書留補侍中魏氏  
寶器銘題皆誕  
應璩字休璉魏文明帝世歷官散騎常侍齊王卽  
位稍遷侍中典著作

建安漢獻帝  
改元太和魏  
明帝改元

正元高貴鄉  
公後元

晉陽王沉字處道正元中侍中典著作與荀顛阮  
籍共撰魏書多爲時諱未若陳壽實錄高貴鄉公  
將攻司馬昭召沉及王業告之沉業白昭昭反絀  
公公論不齒後沉子浚潛謀叛爲石勒所誅  
阮籍字嗣宗大將軍從事中郎才藻豔逸而倜儻  
放蕩行已寡欲以莊周爲模則官至步兵校尉  
孫該字公達郎中著魏書

沛郡薛瑩字道言吳散騎中常侍孫皓初爲左執  
法遷選曹尚書忤皓下獄徙廣州右國史華覈上  
疏曰大吳受命建國南土大皇帝末年命太史令  
丁孚郎中項峻始撰吳書孚峻俱非史才其所撰

作不足紀錄至少帝時更差常曜周昭薛瑩梁廣  
及臣五人共撰立備有本末昭廣先亡曜負恩蹈  
罪瑩出爲將復以過徙其書遂委滯迄今未撰奏  
臣愚淺才劣適可爲瑩等記注而已若使撰合必  
襲乎峻之跡懼墜大皇帝之元功損當世之盛美  
瑩涉學旣博文章尤妙同寮之中瑩爲冠首是以  
樓樓爲國惜之寔欲使卒垂成之功編於前史之  
末奏上皓遂召瑩還爲左國史吳亡入晉太康三  
年卒著書八篇名曰新議

大康皇帝  
改元

吳郡常曜字弘嗣曜本名昭史爲晉諱改之少好  
學能屬文爲尚書郎遷太子中庶子孫皓卽位爲  
侍中常領左國史以忤皓見誅

武進華覈字永先爲祕府郎遷中書丞孫皓卽位  
遷東觀令領右國史天冊元年以微譴免

聞喜裴松之字世期宋太祖使注陳壽三國志松  
之鳩集傳紀增廣異聞旣成奏上上曰此爲不朽  
矣

唐志魚豢魏畧五十卷王隱刪補蜀記七卷張勃



吳錄三十卷

評曰史通言吳歸命侯時廣昭先亡曜瑩徙黜華  
覈表請曜瑩續成前史其後曜獨終其書定爲五  
十五卷考之吳志常曜以吳鳳凰二年付獄華覈  
表揀不許遂誅曜後薛瑩下獄覈又揀之皓允召  
還吳亡瑩入晉以太康三年卒則曜誅在先瑩卒  
在後乃云覈表曜瑩續史曜獨終其書則曜與瑩  
似若竝存者而曜能終其書也且曜傳亦不列曾  
著吳書若干卷曜獄中上書止言作洞記四卷辯

鳳凰孫皓改  
元

釋名一卷未言吳書又覈揀表亦言吳書已有頭  
角敘贊未述豈子玄別有所據邪又云曜瑩徙黜  
吳志瑩徙廣州曜實誅死何得竝言徙黜

晉史洛京時著作郎陸機始撰三祖紀佐著作郎束  
皙又撰十志會中朝喪亂其書不存先是歷陽令陳  
留王銓有著述才每私錄晉書及功臣行狀未就而  
卒子隱博學多文受父遺業西都事跡多所詳究過  
江爲著作郎受詔撰晉史爲其同僚虞預所斥坐事  
免官家貧無資書未遂就乃依征西將軍庾亮於武

咸康皇帝  
改元

昌鎮亮給其紙墨由是獲成凡爲晉書八十九卷咸  
康六年始詣闕奏上隱雖好述作而辭拙才鈍其書  
編次有序者皆銓所修章句混漫者必隱所作時尚  
書郎領國史干寶亦撰晉紀自宣訖愍七帝五十三  
年凡二十二卷其書簡畧直而能婉甚爲當時所稱  
晉江左史自鄧粲孫盛王韶之檀道鸞已下相次繼  
作遠則編記兩帝近則唯敘六朝至宋湘東太守何  
法盛始撰晉中興書勒成一家首尾該備齊隱士東  
莞臧榮緒又集東西二史合成一書皇家貞觀中有  
詔以前後史十有八家制作雖多未能盡善乃勅史  
官更加纂錄採正典與舊說數十餘部兼引僞史十  
六國書爲記十志二十列傳七十載記三十并序例  
目錄合爲百三十二卷自是言晉史者皆棄其舊本  
競從新撰者焉

右說晉書

元城東哲字廣微晉佐著作郎撰晉書帝紀十志  
太康二年汲人發冢得竹書哲隨疑分釋皆有義  
證所著三魏人士傳七代通記晉書紀志遇亂亾

舊十六國  
史見後


失其五經通論發蒙記補正詩文集數十篇云  
 陳郡王隱字處叔父銓歷陽令太興初召隱及郭  
 璞俱為著作郎令撰晉史時著作郎虞預私撰晉  
 書而生長東南不知中朝事數訪於隱并借隱所  
 著書竊寫之所聞漸廣是後更疾隱形于言色預  
 既豪族交結權貴共為朋黨以斥隱竟以謫免黜  
 歸于家貧無資用書遂不就乃依征西將軍庾亮  
 於武昌亮共其紙筆書乃得成詣闕上之庾亮字  
 元規晉中書令

餘姚虞預字叔寧散騎常侍領著作著晉書四十  
 餘卷會稽典錄二十篇

長沙鄧粲桓冲請為別駕著元明紀十篇

山陰謝沉字行思何充庾冰竝稱沉有史才遷著  
 作郎撰晉書三十餘卷著後漢書百卷

王韶之字體泰私撰晉安帝陽秋及成時人謂宜  
 居史職除著作佐郎使續後事訖義熙九年晉安  
 帝之崩武帝使韶之與帝左右密加酖毒武帝受  
 命復掌宋書



臧榮緒東莞莒人純篤好學括東西晉為一書紀錄志傳百一十卷隱居京口教授

晉史十八家隋志晉書有王隱八十六卷虞預二

十三卷朱鳳十卷本十四卷訖元帝謝靈運三十

六卷臧榮緒一百十卷蕭子雲十一卷本一百二

卷梁有鄭忠七卷沈約一百十一卷庾銑東晉新

書七卷亾又蕭子顯晉史草三十卷梁張緬晉書

鈔三十卷張氏晉書鴻烈六卷中興書有何法盛

七十八卷晉紀有陸機四卷干寶二十三卷曹嘉

之十卷鄧粲十一卷宋劉謙之二十五卷南史云

二十卷王韶之十卷徐廣四十五卷郭季產續五

卷陽秋有習鑿齒孫盛檀道鸞之書卷又有荀綽

晉後畧記五卷唐志又有晉錄五卷

貞觀二十年閏三月詔曰晉史十有八家雖存記

注才非良史書虧實錄榮緒煩而寡要行思勞而

少功叔寧味同畫餅子雲學堙澗流處叔不預於

中興法盛莫通於創業洎乎干陸曹鄧畧紀帝王

鸞盛廣松纔編載祀其文既野其事罕有延按此

詔便知諸史優劣

評曰貞觀中所修晉書前無序止云太宗文皇帝御撰夫修史史臣職也令書果出御撰是主行臣職使不出御撰是主掠臣美亡一可者也書後有音義三卷天寶間左史弘農楊齊宣平衡撰凡所訓釋必求典故大爲此書之助

元嘉宋文帝改元

宋史元嘉中著作郎何承天草創紀傳自此以外悉委奉朝請山謙之補承天殘缺後又命裴松之續成國史松之尋卒史佐孫冲之表求別自創立爲一家

孝建大明俱

宋孝武帝改

元蘇寶山宋

史作寶生

之言孝建初又勅南臺侍御史蘇寶山續造諸傳元

嘉名臣皆其所撰寶山被誅大明六年又命著作郎

徐爰踵成前作爰因何孫山蘇所述勒爲一書其臧

質魯爽王僧達諸傳又皆孝武自造而序事多虛難

以取信自永光已後至禪讓十餘年中闕而不載至

齊著作郎沈約更補綴所遺製成雜史自義熙肇號

終乎昇明三年爲紀十志三十列傳六十合百卷名

曰宋書永明末其書旣行河東裴子野更刪爲宋畧

二十卷沈約見而嘆曰吾所不逮也由是世之言宋

永光宋廢帝

改元

義熙晉安帝

改元

昇明宋順帝

改元三年宋

亡

永明齊武帝

改元

史者以裴畧為上沈書次之

右說宋書

唐志徐爰宋書四十二卷孫嚴宋書五十八卷沈

約宋書一百卷王智深宋紀三十卷裴子野宋畧

二十卷鮑衡卿宋春秋二十卷王琰宋春秋二十

卷

南琅邪徐爰字長玉先是元嘉中使著作郎何承

天草創國史孝武初又使奏朝請山謙之南臺御

史蘇寶生踵成之孝建六年又以爰領著作郎使

終其業爰雖因前作而專為一家之書上表起元

義熙惟王業之始載序宣力為功臣之斷於是內

外博議太宰江夏王義恭等二十五人同爰宜以

義熙元年為斷散騎常侍巴陵王休若尚書金部

郎檀道鸞二人謂宜以元興三年為始太學博士

虞龢謂宜以開國為宋公元年詔曰項籍聖公編

錄二漢前史已有成例桓玄傳宜在宋餘如爰議

蘇寶者名寶生本寒門有文義之美元嘉中立國

子學為毛詩助教為太祖所知官至南臺侍御史

元興晉安帝  
既完

江寧令坐知高閹反不即啟聞與閹共伏誅  
東莞臧質字含文世祖卽位以質爲都督江州諸  
軍事後同義宣謀反伏誅

壽陽魏武

瓜步在今揚州

扶風魯爽小名女生爽少有武藝虜主拓跋燾知  
之常置左右燾始南行遣爽隨永昌王庫仁真向  
壽陽與弟瑜共破劉康祖於尉武仍至瓜步始得  
與秀歸南上大說詔爽征虜將軍司州勅史後與  
義宣臧質叛伏誅○琅邪王僧達大明元年遷左  
衛將軍領太子中庶子以歸順功封寧陵縣侯遷  
中書令因高閹事陷之於獄賜死

武康沈約字休文梁尚書僕射封建昌縣侯約少  
時常以晉無全書便有撰述意宋太始初征西將  
軍蔡興宗啟明帝敕許馬踰二十年書方就凡百  
餘卷條流雖舉而採綴未周永明初遇盜失第五  
帙又齊建元四年敕撰國史永明二年撰次起居  
注五年敕撰宋書六年二月畢表上之其所撰國  
史爲齊紀二十卷天監中撰梁武紀十四卷  
東海何承天劉宋著作佐郎撰國史承天年已老

姒音乃乳也

而諸佐郎竝名家年少穎川荀伯子嘲常呼為姒母承天曰卿當云鳳凰將九子姒母何言邪

沈約注本卷  
吳均注一卷

齊史江淹始受詔著述以史之所難無出於志故先著十志以見其才沈約復著齊紀二十篇紀八志十一列傳四十合成五十九篇時奉朝請吳均亦表請撰齊史乞給起居注并羣臣行狀有詔齊氏故事布在流俗聞見既多可自搜訪也均遂撰齊春秋三十篇其書稱梁帝為齊明佐命帝惡其實詔燔之然其私本竟能與蕭氏所撰竝傳於後

右說齊書

濟陽江淹字文通齊建元二年始置史官淹與司徒左長史檀超共掌其任著齊史十志

唐憲行卿作  
衡卿

梁史武帝時沈約與給事中周典嗣步兵校尉鮑行卿秘書監謝昊相承撰錄已有百篇值承聖淪沒竝從焚蕩廬江何之元沛國劉璠以所聞見究其始末合撰梁典三十篇而紀傳之書未有其作陳祠部郎中姚察有志撰勒施功未周但既當朝務兼修國史至於陳亾其書不就

承聖梁元帝  
敗元劉璠注

畧



右說梁書

陳郡周興嗣字思纂員外散騎侍郎佐撰國史興嗣兩手先患風疽又染癘疾左目盲武帝撫其手嗟曰斯人而有斯疾手疏疽方賜之所撰實錄起居注職儀等百餘卷

漢書七餘  
切

唐志周興嗣梁皇帝實錄二卷謝吳梁皇帝實錄五卷梁太清實錄十卷鮑行卿乘輿飛龍記二卷謝吳梁典三十九卷劉璠梁典三十卷何之元梁典三十卷

大建陳宣帝  
改元

陳史初有吳郡顧野王北地傅縡各為撰史學士其武文二帝紀即顧傳所修太建初中書郎陸瓊續撰諸篇事傷煩雜姚察就加刪改粗有條貫及江東不守持以入關隋文帝常索梁陳事跡察具以所成每篇續奏而依違荏苒竟未絕筆皇家貞觀初其子思廉為著作郎奉詔撰成二史於是憑其舊藁加以新錄彌歷九載方始畢功述為梁書五十六卷陳書三十六卷今竝行世焉

右說陳書

靈州傳緯音宰字宜事陳文帝召為撰史學士後主

賜死獄中

大陳文帝  
改元

吳郡顧野王字希馮陳天嘉中敕補撰史學士太

建中領大著作掌國史知梁史事撰通史要畧一

百卷國史紀傳二百卷未就而卒

吳郡陸瓊字伯玉太建中領大著作撰國史初瓊

父雲公奉梁武勅撰嘉瑞記瓊述其旨而續焉自

永定訖于至德勒成一家言遷吏部尚書著作如

故

定陳武帝  
至德陳  
改元

武康姚察字伯審尚書徐陵領大著作引為史佐

陳亾入隋授秘書丞別敕成梁陳二史未畢文帝

遣舍人虞世基索本且進臨亾戒子思廉撰續思

廉在陳為法曹參軍

十六國史前趙劉聰時領左國史公師或撰高祖本

紀及功臣傳二十人甚得良史之體凌脩譖其訕謗

先帝聰怒而誅之劉曜時平輿子和苞譔趙記十篇

事止當年不終曜滅後趙石勒命其臣徐光宗歷傳

暢郭悛等撰上黨國記起居注趙書其後又令王蘭

是與慕容垂  
以元

陳宴程陰徐機等相次撰述至石虎並令刊削使勸  
 功業不傳其後燕太傅長史田融宋尚書庫部郎郭  
 仲產北中郎參軍王度追撰石事集鄴都記趙記等  
 書前燕有起居注杜輔全錄以為燕紀後建興元年  
 董統受詔草創後書注本紀并佐命功臣王公列傳  
 合三十卷慕容垂稱其敘事富贍足成一家之言但  
 褒述過美有慙董史之直其後申秀范亨各取前後  
 二燕合成一史南燕有趙郡王景暉嘗事德超撰二  
 主起居注超仕於馮氏官至中書令仍撰南燕錄

名疑索餒著  
前漢錄

劉昫即延明

六卷蜀初號曰成後改稱漢李勢散騎常侍常璩撰  
 漢書十卷後入晉秘閣改為蜀書璩又撰華陽國志  
 具說李氏興滅前涼張駿十五年命其西曹邊瀏集  
 內外事以付秀才索餒作涼國春秋五十卷又張仲  
 華護軍參軍劉慶在東莞專修國史二十餘年著涼  
 記十二卷建康太守索暉從事中郎劉昫又各著涼  
 書前秦史官初有趙淵車敬梁熙常譚相繼著述苻  
 堅嘗取而觀之見苟太后幸李威事怒而焚滅其本  
 後著作郎董誼追錄舊語十不一存及宋武帝入關

獲池山名

曾訪秦國事又命梁州刺史吉翰問諸仇池竝無所  
獲先是秦秘書郎趙整叅撰國史值秦滅隱於南洛  
山著書不輟有馮翊車頻助其經費整卒翰乃啟頻  
纂成其書以元嘉九年起至二十八年方罷定為三  
卷而年月失次首尾不倫河東裴景仁又正其訛僻  
刪為秦記十一篇後秦扶風馬僧虔河東衛隆景竝  
著秦史及姚氏之滅殘缺者多泓從弟和都仕魏為  
左氏尚書又追撰秦紀十卷夏天水趙思羣北地張  
淵於真興承光世竝受命著其國書及統萬之亾多

真興夏赫運

勃勃改元承

光夏赫運昌

改元

呂氏呂光馮

氏馮跋

見焚燒西涼與西秦北燕其史或當代所書或他邦  
所錄段龜龍記呂氏宗欽記禿髮氏韓顯宗記呂馮  
氏唯此三者可知自餘不詳推作魏世黃門侍郎崔  
鴻乃考覈眾家辨其同異除煩補闕錯綜綱紀易其  
國書曰錄正紀曰傳都謂之十六國春秋鴻始以景  
明之初求諸國逸史逮至始元年鳩集稽備而已猶  
闕蜀事不果成書推求十有五年始於江東購獲乃  
增其篇目勒為十卷鴻歿後永安中其子繕寫奏上  
請藏諸秘閣由是偽史宣布大行於時

景明至始皆

魏主恪改元

永安魏莊帝

改元

右說十六國春秋

唐藝文志常璩華陽國志十三卷又漢書十卷蜀  
李書九卷和苞漢趙紀十四卷田融趙石紀二十  
卷又二石紀二十卷苻朝雜記一卷王度隨颺二  
石偽事六卷二石書十卷范亨燕書二十卷王景  
暉南燕錄六卷張銓南燕書十卷高閭燕志十卷  
段龜龍涼記十卷西河記二卷張諮涼記十卷劉  
炳涼書十卷又燉煌實錄二十卷裴景仁秦記十  
一卷杜惠明注拓拔涼錄十卷桓玄偽事二卷鄴洛鼎

颺音快

時記十卷守節先生天啟紀十卷崔鴻十六國春

秋一百二十卷蕭方等三十國春秋三十卷李槃

戰國春秋二十卷蔡允恭後梁春秋十卷武敏之

三十國春秋一百卷右偽史類一十七家二十七

部五百四十二卷

失姓名  
三家

劉聰字玄明漢劉淵第四子也十五月而生永嘉

四年僭號劉曜字永明淵族子太興元年僭號國

號趙石勒擒而殺之

石勒字世龍上黨武鄉羯人太興二年僞稱趙王

太興晉元帝  
收元

咸和咸康晉  
成帝改元

史通註

卷十二

三十一

咸和五年僭號趙天王石虎字季龍勒從子也弒  
勒子弘以咸康三年僭號

傅暢晉司徒祗子也祗守三渚病卒城陷劉聰贈  
祗太保謂祗子暢曰尊公雖不達天命然各忠其  
主吾一亮之卿知漢德弘曠不暢曰陛下每嘉先  
臣不以小臣而虧其忠節是恩也自是明主伐國  
吊人之義臣輒同萬物未敢謝生於自然

評曰石勒載記勒趙王元年傅暢杜嘏爲經學祭  
酒任播崔濬爲史學祭酒命記室佐明楷程機撰

上黨國記中大夫傅彪賈蒲江軌撰大將軍起居  
注叅軍石泰石同石謙孔隆撰大單于志徐光爲  
中書令領秘書監皆有開史事而史通未詳載當  
別有所考

趙書徐光字季武頓丘人年十四五爲將軍王陽  
秣馬光但書馬屋柱爲詩不親馬事  
涼州張寔傳曾遣和苞帥兵秣南陽王保則苞亦  
曾事張氏劉曜時苞爲侍中上諫與作疏曜納之  
封平輿子領諫議大夫

永和晉穆帝

改元

太元晉孝武

改元

張駿字公庭軌之子拜涼州牧子重華字泰臨永和二年自稱假涼王  
慕容垂字道明皝第五子以太元十一年僭卽位號後燕慕容德字玄明皝少子魏師入中山慕容寶出奔于薊慕容詳又僭號會劉藻自姚興而至與太史令高魯遣其甥王景暉隨藻送玉璽一紐并圖讖秘文曰有德者昌無德者亾德受天命柔而復剛因勸德卽尊號德卒傳位於超超字祖明德兄子爲劉裕所滅

李勢字子仁壽之長子也嗣僞位於成都後爲晉

滅

苻堅母少寡將軍李威有辟陽之寵史官載之至是堅收起居注及著作錄而觀之見其事慚怒乃焚其書而大檢史官將加其罪著作郎趙泉車敬等已死乃止

趙淵避唐高諱改泉

苻堅分氏戶於諸鎮秘書郎趙整因侍援琴而歌曰阿得脂阿得脂博勞舊父是讐綬尾長翼短不能飛遠徙種人留鮮卑一旦緩急語阿誰堅笑而

不納

姚泓字元子興之長子也以義熙十二年僭即帝

位後為晉滅

吉翰字休文馮翊池陽人

仇池山在鞏昌府成縣西北一百里四面壁立峭

絕險固自然有樓櫓却敵狀上有平地方二十餘

里羊腸盤道三十六迴有豐水煮土成鹽

段龜龍涼州記曰呂纂咸寧三年胡人發張駿冢

得玉簫玉笛

赫連勃勃以叱于阿利領將作大匠發嶺北夷夏

十萬人於朔方水北黑水之南營起都城勃勃自

言朕方統一天下君臨萬邦可以統萬為名

崔鴻字彥鸞光從子也魏正光元年前將軍修孝

文宣武起居注光撰魏史未就每云此史會非我

世所成但須記錄時以待後人臨夢言鴻於孝明

五年詔鴻以本官脩緝國史未有所就尋卒鴻見

晉魏前史皆成一家無所措意以劉元海石勒慕

容儁苻健慕容垂姚萇慕容德赫連屈子張軌李

義熙皇帝  
改元

正光魏孝明  
帝改元

史通注

卷十二

三



雄呂光乞伏國仁禿髮烏孤李暠沮渠蒙遜馮跋等竝因世故跨僭一國乃撰為十六國春秋勒成百卷因其舊記時有增損褒貶焉

道武名珪魏太祖明元名

嗣珪之子也

神麀魏太武

壽駿元麀首

加

元魏史道武時始令鄧淵著國記為十卷而條例未成暨乎明元廢而不述神麀二年又詔集諸文士崔浩浩弟覽高閭鄧穎晁維范亨黃輔等撰國書為十卷又特命浩總監史任務從實錄復以中書郎高允散騎侍郎張偉竝叅著作續成前史書敘述國事無隱惡而刊石寫之以示行路浩坐此夷三族同作死

武孫也

者百二十八人自是遂廢史官至文成帝和平元年

始復其職而以高允典著作修國記允年已九十手

目俱衰時有校書郎中劉模長於緝綴乃令執筆而

口占授之如是者五六歲所成篇卷模有力焉初國

記自鄧崔以下皆相承作編年體至孝文大和十一

年詔秘書丞李彪著作郎崔光始分為紀傳異科宣

武時命邢巒追撰孝文起居注既而崔光遵業補續

下訖孝明之世溫子昇復修孝武紀濟陰王暉業撰

辨宗室錄魏史官私所撰盡於斯矣齊天寶二年勅

孝文名宏獻文帝弘子也

孝明名詡魏主恪子也

秘書監魏收博採舊聞勒成一史又令刁柔辛元植  
 方延祐曠仲讓裴昂之高孝幹等助其編次收所取  
 史官懼相凌忽故刁辛諸子竝乏史才唯以髣髴學  
 流憑附得進於是大徵百家譜狀斟酌以成魏書上  
 自道武下終孝靖紀傳與志凡百三十卷收諂齊氏  
 於魏室多不平既黨北朝又厚誣江左性憎勝已喜  
 念舊惡甲門盛德與之有怨者莫不被以醜言沒其  
 善事遷怒所至毀及高曾書成始奏詔收於尚書省  
 與諸家討論前後列訴者百有餘人時尚書令

孝靖名善見  
 高洋廢為中  
 山王尋殺之

孝高演

彥一代貴臣勢傾朝野收傳其家傳甚美是以深被  
 黨援諸訟史者皆獲重罰或斃於獄中羣怨謗聲不  
 息孝昭世勅收更加研審然後宣布於外書成嘗訪  
 諸羣臣猶云不實又令治改其所變易甚多由是世  
 薄其書號為穢史至隋開皇勅著作郎魏淡與顏之  
 推辛德源更撰魏書矯正收失淡以西魏為真東魏  
 為偽故文恭列紀孝靖稱傳合紀傳論例總九十二  
 篇煬帝以澹書猶未能善又勅左僕射楊素別撰學  
 士潘徽褚亮歐陽詢等佐之會素薨而止今世稱魏

史者猶以收本為主焉

石說後魏書

河東崔浩字伯深魏司徒總理史務以侍郎高允  
張偉參著作續成前紀至於褒貶折衷浩所總焉  
浩又以晉書多誤著晉後書未就傳世者五十餘  
卷初道武詔秘書郎鄧彥海著國記十餘卷體例  
未成神廡二年詔集諸文人摛錄國書浩及弟覽  
高讜鄧穎晁繼范享黃輔等共參著作敘國書三  
十卷著作令史太原閔堪趙郡鄧標素諸事浩乃

請立石銘載國書以彰執筆浩書國事備而不典

而石銘顯在衢路比人咸悉忿毒相與構浩帝大

怒誅浩

范享一作亨

安定鄧穎彥海子也官中書侍郎

高允字伯恭渤海蓀人神廡四年與盧玄等俱被

徵拜中書博士領著作郎與司徒崔浩述成國記

拜中書令雖久典史事然不能專勤屬述時與校

書郎劉模有所緝綴大較依續崔浩故事準春秋

體而時有刻正自文成迤于獻文軍國書檄多允

高允

作也

信都劉模高允撰國記選為校書郎常令模持管  
籥每日同入史閣接膝對筵屬述時事允年已九  
十手目稍衰多遣模執筆而占授裁斷之如此者  
五六歲允所成篇卷模預有功

太原張偉字仲業魏太武時與高允等同召累遷  
中書侍郎

楊愔字遵彥華陰人北齊尚書令開封王忠而被  
誅人皆寃之

元暉業魏宗室齊陰王孫也紹封王魏亡入齊降  
美陽縣公撰魏藩王家世名辨宗錄四十卷文宣  
忌而殺之臨刑神色自若

雍奴高閭字閭士少好學為車子送祖至平城脩  
刺詣崔浩浩與語奇之閭本名驢浩乃改為閭而  
字焉由是知名和平末為中書侍郎高允舉以自  
代遂為獻文所知叅論政事詔令書檄碑銘贊頌  
皆其文也宣武踐祚詔授光祿大夫與高允稱二

高

和平魏主濟  
改元

頓丘李彪字道固魏孝文初爲秘書丞叅著作事  
自崔浩高允著述國書編年爲春秋體遺落時事  
彪與秘書令高裕始奏從遷固體創爲記傳表志  
之自帝謂僕射李冲曰崔光之博李彪之直是我  
國得賢之基後除名會赦得免宣武踐阼彪與王  
肅郭祚崔光劉芳甄琛邢巒等善求復舊職彪乃  
表曰故著作漁陽傅毗北平陽尼河間邢產廣平  
宋弁昌黎韓顯宗竝舉注述登年不永前著作程  
靈蚪同時應舉今徙他職官非所司唯著作崔光  
一人雖不移任然侍官兩兼故載述致闕今乞一  
靜處綜理國籍以終前志詔彪兼通直散騎常侍  
彪在秘書歲餘史業竟未及就然區分書體皆彪  
之功

清河崔光本名孝伯字長仁孝文賜名焉拜著作  
郎與秘書丞李彪參撰國書太和末彪解著作光  
專史事宜武居諒闇彪上表求成魏書詔許之彪  
遂以白衣於秘書省著述光以彪意在專功表解  
著作讓彪宣武不許

太和魏孝文  
帝宏改元

河間邢巒字洪賓博覽書傳有文才幹畧元魏殿  
中尚書

勃海刁柔字子温齊天保初博士魏收撰魏史啟  
柔等同事柔性專固自是收常嫌憚且志在偏黨  
魏書中與有連者竝虛美過實爲時論所譏

太原溫子昇字鵬舉歸魏爲郎中修起居注高澄  
引爲諮議及元瑾劉思逸荀濟等謀誅澄澄疑子  
昇與謀方使之作神武碑文旣成乃餓諸晉陽獄  
食弊襦而死棄屍路隅沒其家口長史宋游道收  
葬之又集其文三十五卷

臨沂顏之推字介世善周官左氏仕梁梁亾奔齊  
齊亾入周周亾入隋太子召爲文學撰家訓二十  
篇

狄道辛德源字孝基隋牛弘奏與王劭同修國史  
德源撰集注春秋三傳三十卷注揚子法言三十  
三卷

錢塘褚亮字希明隋東宮學士坐與楊玄感善貶  
西海司戶時博士潘徽貶威定主簿亮與俱至隴

山微死為斂瘞人皆義之貞觀中遷散騎常侍  
臨湘歐陽詢字信本初倣王羲之書後險勁過之  
貞觀初歷太子率更令弘文館學士

高齊史天統初太常少卿祖孝徵述獻武起居名曰

天統齊後主  
高緯之元獻

黃初傳天錄時中書侍郎陸元規常從文宣征討著

武即高歡后  
改神武文宣

皇帝寶錄惟記行師不載它事自武平後史官陽休

高洋謚也

之杜臺卿祖崇儒崔子發等相繼注記逮於齊滅隋  
秘書監王劭內令史李德林竝少仕鄴中多識故事

主乃憑述起居注廣以所聞造編年書號曰齊志十

有六卷

志序云三十卷今世  
間傳者唯十六卷焉

李在齊預修國史創紀

傳書二十七卷至開皇初奉詔續撰增多齊史三十

八篇已上送官藏之秘府皇家貞觀初勅其子中書

舍人百藥仍其舊錄雜採它書演為五十卷今之言

齊史者唯王李二家云

右說北齊書

范陽祖珽字孝徵西齊著作郎欲以代魏收主簿

李翥聞而告人曰詔誥悉歸陽子烈著作復遣祖

孝徵文史頓失恐魏公發肯珽既盲拜尚書左僕

射監國史與和士開穆提婆表裏為姦

祖崇儒挺族弟也涉學有辭少以幹局知名武平末通直常侍入周為容昌郡太守入隋終宕州長史

陸元規高齊中書侍郎後以應對忤旨被配甲坊無終陽休之字子烈齊太尉記室叅軍李神儁監起居注啟休之與河東裴伯茂范陽盧元伯河間邢子才俱入撰次普泰中與魏收李同軌等修國史

普泰魏節閔  
帝恭收元

曲陽杜臺卿字少山齊中書侍郎脩國史隋開皇初采月令觸類廣之為書名玉燭寶典十二卷拜著作郎撰齊記二十卷

博陵李德林字公輔齊中書侍郎詔脩國史時齊帝留情文雅召與顏之推同判文林館事累遷儀同三司周武帝平齊遣使就宅宣旨云平齊之利惟在於爾入隋與太尉于翼高頴等同修健令子百藥字重規幼多病祖母趙以百藥名之開皇初授學士貞觀二年除禮部侍郎撰齊史百藥子安



期貞觀初爲符璽郎高宗卽位遷中書舍人尋檢校東臺侍郎自德林至安期三世掌制誥孫義仲又爲中書舍人

因學紀聞伐吳之役利獲二俊張華之稱陸機雲也平齊之利唯在於爾周高祖之諭李德林也機雲於河橋之役與王師爲敵其不忠大矣德林願以死奉楊堅復以所事齊者事周矣二國何利焉是以持國必崇名節持身必守行誼

宇文周史大統有秘書丞柳虬兼領著作直辭正色事有可稱至隋開皇中秘書監牛弘追撰周紀十有八篇畧敘紀綱仍皆抵忤皇家貞觀初勅秘書丞令狐德棻秘書郎岑文本共加修緝定爲周書五十卷

### 右說後周書

通考晁氏曰周書五十卷唐令狐德棻等撰本紀八列傳四十二初周有柳蚪隋牛弘各有撰次率多抵牾貞觀中德棻請撰次乃詔與陳叔達唐儉共成之先是蘇綽秉周政軍國詞令多准尚書牛弘爲史尤務清言德棻因之以成是書故多非實

錄宋仁宗時出太清樓本合史館秘閣本又募天下書而取夏竦李巽家本下館閣正其文字其後林希王安國上之

宜州令狐德棻武德初秘書丞建言近代無正史帝詔中書令蕭瑀給士中王敬業著作郎殷聞禮主魏中書令封德彝舍人顏師古主隋大理卿崔善爲中書舍人孔紹安太子洗馬蕭德言主梁太子詹事裴矩吏部郎中祖孝孫秘書丞魏徵主齊秘書監竇璡給事中歐陽詢文學姚思廉主陳侍

中陳叔達太史令庾儉及德棻主周整振論譔多歷年不就罷之貞觀三年復詔撰定議者以魏有魏收魏澹二家書爲已詳惟五家史當立德棻更與秘書郎岑文本殿中侍御史岑仁師次周史中書舍人李百藥次齊史著作郎姚思廉次梁陳二史秘書監魏徵次隋史左僕射房玄齡總監脩撰原自德棻發之書成遷禮部侍郎兼修國史鄧州岑文本字景仁唐秘書郎中書令

隋史當開皇仁壽時王劭爲書十八卷以類相從定

其篇目至於編年紀傳並闕其體煬帝世唯有王冑等所修大業起居注及江都之禍仍多散逸皇家貞觀初勅中書侍郎顏師古給事中孔穎達共撰成隋書五十五卷與新撰周史並行於時初太宗以梁陳及齊周隋氏並未有書仍命學士分修事具於上仍使秘書監魏徵總知其務凡有讚論徵多預焉始以貞觀三年創造至十八年方就

唯姚思廉貞觀二年起功多於諸史一歲

合為五代紀傳并目錄凡二百五十二卷書成下於史閣唯有十志斷為三十卷尋擬續奏未有其文又

李延壽注  
卷

詔左僕射于志寧太史令李淳風著作郎韋安仁符璽郎李延壽同撰其先撰史人唯令狐德棻重預其事太宗崩後刊勒始成其篇第雖編入隋書其實別行俗呼為五代史志

右說隋書

評曰通考晁氏云隋文帝命顏之推等別脩魏史唐貞觀中陳叔達亦作五代史皆不傳獨收書在宋命劉恕等校正陳氏云隋文帝命魏澹等更撰魏書九十二卷今皆不傳而收書獨行中興書目

謂所闕太宗紀以澹補之闕志以張太素書補之  
一書既亡惟此紀志獨存崇文總目云世以收史  
爲主故澹書亡闕夫既稱穢史矣乃穢者獨存而  
世以穢者爲主意其中必有一段不可磨滅者當  
時之愛憎豈盡足馮邪

臨沂王胄字承基隋著作佐郎文詞爲煬帝所重  
魏州魏徵字玄成唐秘書監檢校侍中著隋書

京兆顏師古字籀唐中書侍郎太宗嘗歎五經去  
聖遠傳習寢訛詔師古於秘書省考定多所釐正

爲太子承乾注班固漢書人謂杜征南顏秘書爲  
左班志臣所注漢書急就章大顯

冀州孔穎達字仲達拜祭酒初穎達與顏師古司  
馬才章王恭王琰受詔撰五經義訓凡百餘篇永  
徽二年于志寧張行成高季輔就加增損書始布  
通考晁氏曰隋書八十五卷唐魏徵等撰紀五列  
傳五十五長孫無忌等撰志三十初詔顏師古孔  
穎達修述徵總其事序論皆徵自作復又詔于志  
寧李淳風韋安仁李延壽同修五代史志無忌上

之詔編第人隋書人亦號五代史志天文律曆五行三志淳風獨作陳氏曰十志高宗時始成上總梁陳齊周之事俗號五代志

岐州李淳風以將士郎直太史局遷太常博士改太史丞與諸儒脩書遷為令

義寧隋恭帝  
改元五德唐  
高祖改元  
許敬宗敬宗

惟大唐之受命也義寧五德間工部尚書溫大雅首撰創業起居注三篇自是司空房玄齡給事中許敬

顧胤注十一  
卷

宗著作佐郎敬播相與自立編年體號為實錄迄乎三帝世有其書貞觀初姚思廉始撰紀傳粗成三十

卷至顯慶元年太尉長孫無忌與于志寧令狐德棻


著作郎劉胤之楊仁卿起居郎顧胤等因其舊作綴以後事復為五十卷雖云繁雜時有可觀龍朔中敬

永徽顯慶龍  
朔弘道俱高  
宗改元

宗又以太子少卿總統史任更增前作混成百卷如高宗本紀及永徽名臣四夷等傳多是其所造又起

草十志未半而終敬宗所作紀傳或曲希時旨或猥釋私憾凡有毀譽多非實錄必方諸魏伯起亦猶張

衡之蔡邕焉其後左史李仁實續撰于志寧許敬宗李義府等傳載言紀事見推直筆惜其短歲功業未



長壽武后  
元

朱敬則徐堅  
吳兢注十卷

終至長壽中春官侍郎牛鳳及又斷自武德終于弘  
 道撰為唐書百有十卷鳳及以暗矐不才而輒議一  
 代大典凡所纂錄皆素貴私家行狀而世人敘事罕  
 能自達或言皆比典前類咏詩或語多鄙樸實同文  
 案而總入編次了無釐革其有出自胸臆申其機杼  
 發言則嗤鄙怪誕敘事則參差倒錯故閱其篇第豈  
 謂可觀披其章句不識所以既而悉收姚許諸本欲  
 使其書獨行由是皇家舊事殘缺殆盡長安中余與  
 正諫大夫朱敬則司封郎中徐堅左拾遺吳兢奉詔  
 更撰唐書勒成八十卷神龍元年又與兢等重修則  
 天實錄編為二十卷夫舊史之壞其亂如繩錯綜艱  
 難朞月方畢雖言無可擇事多遺恨庶將來削藁猶  
 有憑焉大抵自古史臣撰錄其梗槩如此葢屬詞比  
 事以月繫年為史氏之根本作生人之耳目者畧盡  
 於斯矣自餘編記小說則不暇具而論之

晁氏曰唐創業起居注五卷唐黃門侍郎溫大雅  
 彥弘撰紀高祖建義至受隋禪用師符讖受命典  
 冊事大雅并州祁人

臨淄房玄齡字喬尚書左僕射監脩國史

姚思廉本名簡以字行陳尚書察之子察在陳嘗脩梁陳二史未就思廉續之煬帝又詔與起居舍人崔祖濬修區寓圖志改著作郎弘文館學士詔與魏徵共撰梁陳書思廉采謝昊顧野王等諸家言推究綜括爲梁陳二家史以卒父業


唐志一部史錄十三類一曰正史類七十家九十九部四千八十五卷失姓名二家始於司馬遷史記終於隋書志

又有集史總七十三家六十九部見後

司馬氏史記有

裴駟徐廣鄒誕生許子儒劉伯莊之音解班氏漢書有服虔應劭諸葛亮孟康晉灼常昭崔浩孔文祥劉嗣夏侯泳包愷蕭該陰景倫項岱劉寶陸澄常稜姚察顏游秦僧務靜李善顧胤顏師古之音注論駁及高宗之銓定失姓名正名氏義英華二家東漢則有劉珍謝承薛瑩司馬彪劉義慶華嶠謝沈袁山松范曄張瑩之書劉昭劉熙蕭該劉芳臧兢太子賢常機之補注音義三國有王沉陳壽常昭晉有王隱虞預朱鳳謝靈運臧榮緒干寶蕭

子雲何法盛及房玄齡等所脩宋有徐爰孫嚴沈  
 約王智深齊梁陳有蕭子顯劉涉謝昊姚察顧野  
 王傅綽姚思廉元魏北齊周隋有魏收魏澹李德  
 林王劭張大素李百藥令狐德棻顏師古等不著  
 錄者王元感至裴安時二十三家一千七百九十  
 卷史記之學則有王元感徐堅李鎮陳伯宣韓琬  
 司馬禎劉伯莊張守節竇羣裴安時漢書之學則  
 劉伯莊敬播元懷景姚珽沈遵李善晉書音注則  
 徐堅高希嶠何超及齊梁陳周隋之史武德貞觀  
 兩朝史吳兢等唐書國史至裴安時元魏書終焉  
 延按史通此卷目曰古今正史則自馬遷至唐正  
 史作者悉備此條故附卷末以備參考



史通註終



史記拾遺

法林及於玄齡等所脩宋有徐愛孫慶

齊梁陳有蕭子顯劉劭

涉蕭吳姚察顧野

史通拾遺

思廉元魏北齊周隋有魏收魏澹李德

林王劭張大素李百集

令狐德棻蔡顯師古等不著

錄者王元感至裴安時

二十三家一千七百九十

卷史記之學則有五元感

徐堅李嶺陳伯宣韓琬

史記拾遺

杜欒姑州卷末以勸察書之學則

史記拾遺

卷目曰古今五史限自愚

兩障史與

善書書國史至裴安勸察書之學則

